



Wantok



Namba 1882 Wan Wik Septemba 9 - 15, 2010

Niuspepa Bilong Yumi Ol PNG Stret! K1 tasol



This government will favour foreigners with money, but not its people.. Page 6

Liklik rais fama kisim helpim - P22

Kisim Motorola WX181!



Baim Niupela Moto WX181. I kam wantaim FM redio na planti moa! Olgeta fon igat fri kredit na frim sim kad stap insait pinis.. Digicel



Olgeta plen long kantri mas lukluk moa long populesin - Dokta Mola

OLGETA plen bilong gavman na projek developmen long kantri mas luksave moa long populesin o namba bilong ol manmeri na pikinini pastaim plen i kamap.

Dispela em strongpela toktok na salens Profesa Glen Mola, bilong Skul ov Medisin na Helt Sains i bin mekim long aste in-

sait long wanpela semina wantaim ol nius lain em Marie Stopes Papua Niugini i bin kamapim long Mosbi.

Dokta Mola i tok olsem wanem plen long sait bilong risoses we i go long edukesin, helt, graun, fores, fiseris na ol narapela sekta mas luksave gut long namba bilong ol manmeri o populesin pastaim. Long dispela rot tasol bai kantri i ken abrusim hevi.

Em i tok olsem dispela i pas wantaim femili plening, komyuniti plening na nesinol populesin plening. Dokta Mola i tok

olsem populesin plening em bikpela samting long olgeta developmen projek na tu long sait bilong yusim ol bus graun long kantri.

Em i tokaut tu olsem long nau yet Dipatmen bilong Nesinol Plening i no save wok klostu wantaim Dipatmen bilong Helt long sait bilong Populesin Plen. Dispela plen i save ron inap 10-yia na ol rekot bilong ol las 10-pela yia bai ron inap long pinis bilong dispela yia.

Dokta Mola i tok olsem gro bilong populesin o namba bilong ol manmeri i mas go wantaim wanem ol risoses o sevises em gavman i kamap wantaim long lukim olsem i gat sasteinabiliti, ol

Em i tok long nau yet i luk olsem populesin i wok long go bikpela long ol risoses i stap na dispela i kamapim hevi long risoses.

Dokta Mola i tokaut olsem long nau yet ol populesin polisi bilong kantri e mol wan wan lain i kamapim long laik bilong ol yet. Na dispela i ken kamapim hevi long bihain.

Em i salensim gavman long kamapim gen Populesin Kaunsil. Na dispela kaunsil i ken mekim ol bikpela disisen long sait long kontrolim populesin na tu mekim populesin i stap olsem bikpela hap eria long wokim ol bikpela developmen projek long kantri.

Narapela bikpela toktok em i mekim ol long sait bilong femili plening we ol papamama i mas traim long kamapim liklik namba bilong pikinini. Em i tok olsem saveman meri i mas tingting long kamapim tupela o tripela pikinini tasol long kontrolim populesin long kantri.

Moa long en tu dispela ol toktok bilong kontrolim populesin long sait bilong femili plening em wok bilong olgeta lain long tokim ol wantok na femili bilong ol long gutpela sait bilong populesin. Dispela em bikos taim moa namba bilong pipel i kamap em bai givim hevi long sait bilong risoses em ol tumbuna bilong yumi long bihain taim bai yusim.

LUKSAVE LONG POPULESEN: Dokta Glen Mola i givim salens long gavman long luksave long gro populesin na mekim ol plen wantaim risoses. Poto: James Kila

James Kila i raitim



Rait abus!



I stap klostu long stua bilong yu...

NRI tokaut long PNG Divevelopmen ripot: 1975-2008

Paul Zuvani i raitim

BIHAINIM wok painim em i mekim Nesenel Risets Institut (NRI) i holim wanpela bung long narapela wik Tunde 14 Septemba.

Long dispela taim em bai tokaut long ripot bilong wok divevelopmen bilong Papua Niugini we i kamap stat long 1975 i kam inap long 2008.

Em i hop olsem wantaim dispela ripot PNG i ken ske- lim rot em i yusim ol risoses long kamapim wok divevelop- men.

NRI i tok dispela ripot i givim olgeta Papua Niugini sans long lainim ol nupela samting na wok divevelopmen em i mekim long las 30 yia.

Wantaim dispela em i ken redim em yet long narapela ol yia i kam.

Long taim kantri i wok long lukluk long 35 krismas bilong em long Indipendens em i gutpela taim long luksave long ol strong bilong mipela na long hap we em i pundaun long em.

Em i tok planti ol traime i bin kamap i no long hevi long kantri tasol long wok tu olsem bikpela san, ol pait, sot bilong mani na nau hevi bilong klaimet senis na olsem PNG i mas redi gut olsem em i no ken kisim bagarap taim kain ol hevi i kamap.

Taim em i save em bai kisim gutpela ples na redi

long bungim ol.

Tingting bilong em long kamapim Sovervein Fan long mani em i kisim long PNG LNG Projek tu i gutpela we aninit long dispela fan i gat Fiutsa Fan na Infrastraksa Fan.

Wantaim Visen 2050 i stap PNG i mas save long wanem ples em i go long em na em i mas wokhat long bungim dispela mak.

Long kamap na givim tok- tok long dispela taim em Honorabel Se Puka Temu, Memba bilong Abau na Man- asupe Zurenuoc, Sif Seketari bilong Gavman.

Rot sefti em i no pilai samting

Michael Novingu i raitim

ROT sefti i no pilai, rot sefti em pilai bikos nogat sefti bilong ol pasindia i yusim ol PMV long pablik rot long Papua Niugini.

Ol atoriti i save lukautim rot sefti long Papua Niugini i no mekim wok bilong ol i kirapim bel nogut long planti pasindia long wanem ol PMV draiva i no mekim wok bilong ol long trupela na stretpela pasin long helpim ol pasin- dia.

Komyuniti lidaman long

Bumbu setelemen long Lae, Joe Tukovi, i tok olsem ol PMV draiva long Lae siti i no save pinisim rut o ron bilong ol i kisim laisen long wok long karim pasindia.

Tukovi i tok planti bilong ol PMV long Lae siti i olupela bas, ol sia i bruk, na doti i pulap long en, spet bilong buai i pulap long en, karim pasindia ova lod, sampela bas i bagarap pinis i ken kamapim hevi, kilim ol pasin- dia.

Em i tok sampela PMV i no i no gutpela long yusim long

pablik rot long kisim pasin- dia.

"Gavana bilong Morobe, Luther Wenge long las mun i singaut i go long ol PMV draiva long bihainim lo long pinisim ron bilong ol, stretim yusim gutpela na klinpela bas long karim ol pasindia," Tukovi i tok.

Em i tok dispela singaut bi- long gavana Wenge i no karim kaikai. Moa yet em i tok ol PMV draiva i no bi- hainim lo long karimaut wok bilong ol long kisim pasindia yusim pablik rot.

Husat nau bai yumi bi- hainim taim ol toktok em i askim?

Tukovi i tok polis i traime bes bilong ol stopim ol PMV draiva long bihainim lo, tasol ol PMV draiva i no harim tok bilong polis.

Em i singaut i go long ol polis, Graun Trensport Bod, Nesenel Rot sefti Kansel long wok bung wantaim long daunim ova lod i save kamap long ol PMV bas long Lae siti.

Long wankain taim, Tukovi i tok dispela promosen Moto Vehicle Insurance Trust (MVIL) i kirapim long daunim ol birua long rot i gutpela long helpim ol PMV draiva long bihainim long gutpela bilong ol pasindia.

Tukovi i tok dispela pro- mosen ol MVIL i karimaut i westim taim na moni bilong ol bikos nogat wanpela draiva i bihainim trefik lo long karimaut wok bilong ol.

Ol Wol nius poto



INO YUMI TASOL: Ol lain long Calcutta long India i kalap na hangamap long ol PMV bas taim i gat wanpela bikpela straik em ol PMV draiva i mekim long Tunde dis- pela wok. Ol i protes na straik long wanem ol i laikim moa pe na stretim long ol arapela hevi long wok. Straik bilong ol i bagarapim tru sindaun long Wes Bengal na Kerala. (AP Poto i kam long AAP Images)



PASIN KALSA: Wanpela hap wok kalsa bilong ol lain asples bilong Australia, ol Aborijini, em pasin bilong mekim smuk o long smuk wantaim. Dispela wik Trinde, ol Aborijini bilong Nu Saut Wels i mekim dispela pasin kastom ausait long haus palamen bilong Nu Saut Wels. Ol i mekim dispela long givim luksave long wanpela bil long kamap loa, we i luksave long ol Aborijini man- meri insait long Nu Saut Wels Konstitusen.

Wampar papagraun no laikim ol Sepik bilong Bulolo

Michael Novingu i raitim

PIPEL bilong Gabsongkeg ples long Wampar LLG long Huon Gulf long Morobe provins i no wanbel long kisim ol Sepik long Bulolo Kea Senta kam sindaunim ol long graun bilong ol long Nadzab.

Ol asples i no wanbel, karim ol samting bilong ol pait, pasim dua bilong Wampar LLG long bosman bilong Huon distrik Tony Ase, Wampar LLG Presiden, Peter Namus na ol gavman atoriti long go insait las wik.

Ol pipel bilong Gabson LLG i raitim plakad i soim olsem stopim ol Sepik noken kam sindaun long graun bi- long ol long Nadzab.

Ol pipel i no wanbel bikos nogat tok orait wantaim ol, taim ol i lukim long niuspepa olsem Gavana bilong Mo- robe, Luther Wenge bai kisim ol Sepik kam sindau- nim ol long Nadzab.

Ol papagraun i tok em graun bilong ol, nogat tok orait ol i givim long Morobe Gavana long sindaunim ol Sepik i kam long Bulolo.

Mausman bilong ol papa- graun, Kaunsela Jimmy Yaf- fon i tok ol papagraun i kros bikos gavman atoriti i no tok- save long plen bilong ol long kisim ol Sepik long Bulolo i kam sindaunim long Nadzab.

Yaffon i tok, "Ol Sepik em ol lain bilong bikhet, noken kisim ol i kam sindaun long

graun bilong mipela."

Bosman bilong Wanpar viles kot David Elijah i tok "Mipela bai helpim ol lain kisim bagarap long disasta olsem guria na mauten paia."

"Mipela save long hevi bi- long Bulolo, i kam long kisim strongpela dring, spak brus, kisim man, stil pasin olsem na mipela no laikim ol Sepik long kam sindaun long graun bilong mipela."

Bosman bilong Huon dis- trik, Tony Ase i tokim ol papa- graun olsem trensit kea senta i min olsem ol bai no inap stap long graun bilong yupela, nogat. Ol Sepik bai stap hap taim bai mipela i salim ol i go bek long asples bilong ol long Sepik.

OXFORD, TOK PISIN INGLIS DIKSENERI

Katim, na pulimapim odo fom daunbila na salim i kam long Wantok Niuspepa sapos yu laik belim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim: Chapela buk i ken helpim yu lanim Tok Pisin i go long Inglis, o Inglis i go long Tok Pisin. Harim na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	QUANTITY	PRICE	TOTAL
ANC Tok Pisin English Dictionary	9780185551129	K32.00	

Options to Paycard

Account Number: 18088 230

Branch Code: 081

Card Valid: 08/09/09

FAX BACK TO: (675) 325 2579

HUK WE?

Gavana Powes Parkop i no painim hat long hukim pis long nupela raun wara we PNG Gardener na NCDC i mekim long 14 mail aut sait tasol long Pot Mosbi siti.

Dispela liklik hap ples ol PAU i givim go long PNG Gardener na NCDC long mekim kamap wanpela ples bilong malolo na amamas long taim bilong wiken.

Gavana Parkop wantaim PNG Gardener Justin long Sande wik i go pinis i go opim nupela liklik haus kaikai na tu ples bilong kisim huk na string long hukim ol pis long dispela raun wara.

Gavana tu long dispela wik i opim sampela ol liklik ples we ol famli ken go na piknik long en.

Poto Nicky Bernard.



Ol sumatin pait long ston long pablik ples

James Kila i raitim

PLANTI ol manmeri husat i wokabaut long rot namel long Cameron Draiv na Se John Guise Stedium long Godens eria long Mosbi long las wik Fonde apinun namel long 2 na 3-kilok apinun i no amamas long lukim tupela grup sumatin i tromoi ston i go kam namel long ol yet na pait long pablik ples.

Dispela pasin nogut namel long tupela grup sumatin bilong Mosbi siti i soim bikhet pasin em ol sumatin long siti i save kamapim na bagarapim tru gutnem na westim hatwok ol papamama na skul atoriti i mekim long helpim ol long kamap gutpela manmeri long bihain taim.

Wantok Niuspepa i bin stap long dispela taim long lukim stret ol dispela pasin nogut tru we ol dispela lain sumatin i soim bikhet bilong ol. Dispela ol sumatin em krismas bilong ol mas stap namel long 10 na 15 krismas, tasol ol i bikhet tru na mekim pasin nogut tru long pablik we i no gutpela na soim olsem ol i stap long edukesen institusen. Ol i luk olsem ol bus kanaka stret.

Kros i bin stat taim wanpela grup sumatin bilong Wards Strip i bin wokabaut i go olsem long PNGLong dispela taim



SUMATIN PAIT: Ol sumatin bilong St Therese i ronim ol Wards Strip na ron i go bek gen. *Poto: James Kila*

ol lain bilong Sen Therese Praimeri Skul i bin pilai long Se John Guise spot stedium i stap. Ol sumatin bilong Sen Therese i werim ol kala spot yunifom na i wok long pilai spot long stedium i stap. Taim ol

sumatin bilong Ward Strip i wokabaut i go ol tupela lain i mas toktok na hatim bel bilong ol yet na i no taim na ol ston na stik na ol narapela samting i wok long stat flai i go kam namel long ol dispela tupela lain.

Ol sumatin bilong St Therese i stap insait long banis tasol bihain ol narapela wan skul bilong ol i kam bung na sapotim ol na ol kisim strong na kalapim banis na statronim ol sumatin bilong Wards Strip. Ol i tromoi ston i go kam na ol kar we i ron long pablik rot i ron isi isi tru bikos ol i poret long ston em ol tupela lain grup sumatin i tromoi.

Planti ol lain manmeri husat i lukim dispela kain pasin i tok em i no gutpela tru na i soim olsem skul rul o lo ol sumatin long ol siti skul i sapos long bihainim i wok long bruk daun.

Ol i tok tu olsem ol bikpela sumatin long ol haiskul na sekendari skul long Mosbi siti tu i save mekim ol lain pasin long pait namel long ol yet. Pasin bilong spak na pait namel long ol sumatin i go bikpela tru long ol wiken.

Ol i tok moabeta, ol skul na Edukesin Atoriti i mas putim kamap strongpela lo olsem sapos ol sumatin i mekim kain pasin nogut olsem, ol i mas rausim ol long skul o salim ol i go malolo o saspensin na ol i kisim gutpela tingting na kambek long skul.

Nestlé MILO

KAMAPIM CHAMPION BLO YU!

THE ENERGY FOOD/DRINK

Nestlé MILO Actigen-E 40g net

Nestlé MILO Actigen-E 100g net

Nestlé MILO Actigen-E 200g net

Gavana Parkop redi long go pas long nupela Sosel Demokretik Pati

James Kila i raitim

GAVANA bilong **Nesanel Kapitel Distrik, Powes Parkop, i tokaut long las wik Fonde olsem em i redi long go pas long nupela Sosel Kemokretik Pati (SDP) insait long resis bilong 2012 Nesanel Ileksen.**

Mista Parkop i bin mekim dispela tok-tok long taim dispela nupela politikal pati i bin kisim luksave taim Ofis bilong Rejistra bilong Politikal Patis na Kendidet i givim setifiket bilong inkoporesin i go long ol pati eksekutiv.

Insait long wanpela liklik seremoni long Se John Guise Stadium long Mosbi, ol interim eksekutiv bilong SDP i bin bung long kisim dispela setifiket i kam long ofisa bilong

Ofis bilong Rejistra bilong Politikal Patis, John Bishop Mista Parkop i tok olsem insait long las 35 yia, planti ol lida i no putim intares bilong ol pipel pastaim long ol yet. Olsem na em i laikim ol pipel long tingting tru long makim ol lida wantaim gutpela kwaliti, ol lida husat i save tok tru na mekim gutpela samting long helpim PNG we i gat moa risoses na tingim kwaliti bilong laip bilong ol liklik manmeri.

Interim presiden bilong SDP, Wesley Sanarup i tok olsem pati i bin stat sotpela taim i go pinis long 2008 taim ol i rejista wantaim Invesmen Promosen Atoriti (IPA) olsem wanpela asosesin na insait long dispela yia ol i bin putim rejistresen bilong ol i

go long Ofis bilong Rejistra bilong Politikal Patis na Kendidet.

Mista Sanarup i tokaut olsem dispela setifiket bilong rejistresen ol i kisim i opim rot nau long ol long redim ol gutpela kendiket bilong ol long sanap long 2012 nesanel ileksin.

Em i tok olsem pati bai go het nau long redim wanpela 'A'tim long resis long 2012 ileksen na ol narapela ileksin i kam bihain.

Mista Sanarup i givim bikpela luksave long ol lain husat i bin helpim na givim taim long kirapim dispela nupela politikal pati.

Em i tok dispela em i stat tasol, na i gat moa wok i stap yet long redim wanpela gutpela tim long go insait long nesanel ileksen.



STRONGIM PATI: NCD Gavana Powes Parkop (sanap namba tu long raitan) na Mista Sanarup long raitan i harim prea bilong pasto husat i go pas long lotu long strongim SDP. *Poto: James Kila*

Naru sapatim ELC-PNG Papua rijon wantaim K10,000

James Kila i raitim

OL KRISTEN manmeri bilong **Evanjelikal Luteran Sios insait long Papua rijen i kisim bikpela salens tru long pasin bilong givim. I no long kisim wansait tasol.**

Dispela salens i bin kam long wanpela bikpela loya na strongpela Luteran sios man, Kelly Naru long las wik long taim bilong bilong sios tenkyu (Thanks Giving) de long Marimari Luteran Sios long Godens eria long Mosbi.

Mista Naru i long dispela Tenkyu na Givim De i givim K10,000 i go long Papua rijon wok bilong ELC-PNG na narapela K10,000 i go long Bisop bilong Papua rijon husat bin mekim lotu long dispela taim.

Ol narapela bikman husat i bin stap long dispela taim em Memba bilong Mosbi Not Is, Andrew Mald na Jastis Don Sawong na ol sinia gavman wokman meri husat i save lotu long Luteran Sios.

Mista Naru i tokim moa long 10,000 manmeri husat i bin bung olsem Sios i givim planti blesing, taim ol misinari i bin kam long givim gut nius na wok i go het yet insait long kantri. Tasol nau em taim bilong ol wan wan Kris-



SELEBRET: Ol Kristen manmeri bilong Marimari Luteran Sios long Mosbi i singsing na amamas long taim bilong Tenkyu na Givim De long las wik. *Poto: James Kila*

ten manmeri bilong sios long lukluk bek na traime givim i go long helpim sios.

"Tok long baibel i ples klia tru olsem yu m s laikim God bilong yu wantaim bel na tingting na olgeta laik bilong yu na tu yu mas laikim ol lain stap klostu yu olsem yu laikim yu yet. God i bin givim pikinini bilong em long dai long yumi, tasol yumi givim samting I go bek long em" Mista Naru I tok.

Em i tok ol misinari bilong sios i go aut long planti ples long senisim laip bilong ol pipel. Ol i bringim tru planti blesing i kam long Luteran Sios olsem ol sios na skul, eid pos na ol i go het yet long

bringim gut nius.

"Het bilong yumi i paul long planti ol gutpela samting sios i wok long givim yumi, na yumi lus tungting long tupela bikpela komanmen o mandato olsem yumi mas givim. Yumi mas senisim tingting bilong yumi na stat long givim. Long dispela mi min olsem yumi no ken givim taits tasol i go long ol sios memba

Mista Naru i tok olsem em i bin sapatim planti ol sios lain long givim mani helpim long wokim nupela haus lotu na tu sapatim ol sios program bilong ol.

K100m long Lae siti rot

Bustin Anzu i raitim

NESENEL gavman i skelim K100m long stretim olgeta rot insait long Lae siti, Minista bilong Tresuri na Fainens na Pablik Sevis, Peter O'Neill, i tok.

Dispela nau bai stretim sampela hevi bilong rot insait long Lae siti na bai bringim bek interes bilong kamapim na strongim moa wok bisnis insait long Morobe provins na tu, long ol narapela provins bilong Momase na Hailans.

Minista O'Neill i tok K50m bai ol i givim pas na narapela hap mani em bai ol i givim long neks yia aninit long neks yia baset bilong Nesinel gavman.

"Nesinel gavman i makim pinis K100m bilong ol rot insait long Lae siti, we K50m em bai kam long Saplametri Baset bilong Dispela yia na narapela K50m long neks yia, aninit long 2011 Baset we bai kamap long pinis bilong dispela yia," em i tok.

O'Neill i mekim dispela toktok bihain long Nawaeb Distrik Sevis Impruvmen Program (DSIP) presentation long aste (Trinde 01) long Hetkwata bilong Ahi Lokol Level Gavman long Lae.

Em i tok tu olsem hevi bilong rot long Lae i mekim na save givim nem nogut long kantri tu, long wanem, em i wanpela bikpela siti insait long kantri.

Em i tok tu olsem ol mas painim ol gutpela kontrakta long mekim ol dispela rot we ol dispela kolta ol wokim bai stap strong olgeta na ino inap bruk nau yet olsem planti we nau wok long kamap.

"Ol bai kisim ol kontrakta we igat nem long wokim kolta bilong rot na dispela bai stap longpela taim na ino bruk hariap gen," em i tok.

Em i tok aninit long Somare/Poyle gavman, ol i sotim dispela spes namel long ol bik lain husat i stap antap na ol liklik manmeri long daunbilo long viles levole olsem na ol i laik kisim sevis igo daun long ol rurel eria stret.



LONSIM: Deputi Praim Minista Don Polye (namel) i sanap paitim han long lonsim bilong 5-pela kam bilong Nawaeb distrik long Lae.

Dispela gavman i luksave long ol ausait man na manit asol, na pipel, nogat

LONG dispela kolum, sampela wik i go pinis, mipela i binraitim sampela tok tok olsem:

"Nau em i klia olsem olgeta gavman i kam inap dispela i stap tude, i sanap long strong bilong ekonomi logn sait bilong ol bikpela risos developmen long kantri. I luk olsem taim ol i lukim ol namba bilong winmani ol projek bai mekim, ol bai luksave olsem em long million na billion, olsem na ol i save rausim trausis na ron i go long bodrum bilong ol divelopa, wantaim ol kain kain samting olsem ol bikpela takis malolo. I luk olsem i nogat wanpela luksave long ol sosol impek stadi o arapela luksave long sindaun bilong pipel. Olgeta ol ekonomik plening na projek em ol i save mekim olsem ol pipel bilong yumi i no stap."

I luk olsem fomula o skelim bilong ekonomik developmen i no karamapim ol pipel olsem ol tru tru lain bai kisim gutpela bilong ol projek. Dispela em i wanpela long ol astingting we ol gavman bipo i no kam insait na halivim ol pipel long pait agensim ol bikpela risos divelopa long dispela kantri.

Lukluk long Tuanda pisin bilong Pogera, na pait bilong ol long traim kisim gutpela luksave na gutpela ples bilong go sindaun long en. Ol i gat 60% bilong kastomari graun bilong ol em gavman i givim

long maining kampani, Barrick. Dispela ol i mekim aninit long wanpela spesol maining lis and dispela narapela 405 i no gutpela long sindaun long en, olsem na ol i nogat ples long go sindaun. nau yet, ol manmeri wok silip antap long het bilong maunten taim kampani i wok rausim ol maunten na yusim wara bilong ol long tromoi ol pipia ston na arapela samting i kamaut long main.

Kampani i no tingting long traim painim gutpela hap graun bilong ol pipel long sindaun long en we i stap ausait long main sait.

Na ol opisa bilong gavman, we wok bilong ol em long stap namel man bilong maining kampani na kisim gutpela bilong ol papagraun, tasol ol i nogat laik long kam insait na askim kampani long sindaunim ol pipel gut. Ol i wok olsem ol i stap long peirol bilong kampani. Ol dispela gavman opisa i save skindai na nogat strong tru. Mipela i save askim:

"Ol i dispela lain gavman opisa i wok bilong husat tru? Watpo na gavman i no mekim wanpela samting long tokim Barrick long kisim ol dispela Pogera papagraun i go long gutpela ples?"

Pogera gol main em i bagarapim bikpela busgraun tru. Wara sistem, nau i silip aninit long 200 fut pipia ston na ol wara nogut i go aut 900 yad long arere bilong riva. Antap long dispela, ol

pipia nogut i wok bihainim ol wara i ron i go aut long rot bilong en.

Barrick i save wanem ol hevi em i kamapim olgeta de? Na watpo na ol i no inap kisim ol Tuanda papagraun i go long gutpela ples?

Samting we i klia long dispela hevi, em ol risos onas i nogat luksave long gavman olsem ol patna insait long ekonomik developmen bilong dispela kantri. Em, gavman i no save luksave long ol pipel bilong em olsem patna long ekonomik laip bilong kantri. Nogat. Dispela patnasip nau em i namel long nesenel gavman na foren kapitell. Ol pipel i sanap ol yet na nogat luksave long gavman. Ol i mas strong ol yet long lukautim ol yet taim gavman i sanap baksait long ol kampani bilong arapela ples, na daunim ol.

Ol risos onas, ol i no sanap ol yet tasol. Ol i nogat maus bilong autim tok na wari bilong ol na long banisim sindaun bilong ol olsem ol papagraun; na long tokaut long hevi ol i gat; na ol i nogat moa rot long banisim gut ples bilong ol. Dispela em i wok kamap wantaim ol senis long Environment Act 2000. Moa yet, gavman i wok long kisim moa strong na ol pipel i wok lusim olgeta strong na maus bilong ol.

Olsem mipela i tok pastaim, patnasip nau i stap namel long ne-

senel gavman na foren kapitell. Ol pipel i stap ol yet na ol i rausim ol long opim rot bilong larim mani bilong ausait i kam insait. Yes, mipela i save olsem ol papagraun i save kisim sampela toea long foren kapitell, tasol kain benefit i no inap na i save daunim winmani mak bilong kampani.

Na long wankain taim, pasin bilong nesenel gavman i wok long bihainim laik bilong en long kisim moa mani, na i no harim moa ol pipel bilong en.

Em i luksave bilong mipela olsem bisnis bilong gavman long dispela kantri, nau i wok olsem wanpela praivet bisnis wantaim ol gavman minista olsem ol Bod ov Dairektas, PM olsem Eksekutiv Siaman bilong Bod, na ol Dipatmen Hetman na hetman bilong ol stututori institusen olsem ol CEO.

Olsem na wantaim bisnis bilong gavman bihainim ol praivet bisnis, politisen na ol CEO bilong em i no bilip ol i mas luksave long sindaun bilong pipel. Na taim yu lukluk raun bai yu lukim ol pablik institusen olsem Royal PNG Konstabulari i no wok strong moa; masin bilong jastis i no ron gut; masin bilong gavman i korap pinis, na pipel i nogat moa strong; na ol lain i gat mani bilong baim pablik sevis em ol lain tasol husat i wok long kisim ol gavman kontrak na bikpela pe tru long ol korap kontraksen kampani long Pot Mosbi, we ol i no save mekim gut wok.

Olgeta dispela wok i save gat bikpela grismani i save go long han bilong ol gavman opisa.

Sapos dispela gavman i luksave long ol pipel bilong en, bai yu ken lukim i gat bilip namel long tupela. Politisen i mas mekim wok olsem wasman tasol we em i lukautim opis bilong wasman na mekim wok bilong em bilong givim sevis long ol pipel. Tasol long dispela kantri, dispela i nogat.

Bisnis bilong gavman i olsem praivet bisnis bilong politisen, ol wanlain bilong em, ol dipatmen hetman na ol bosmanmeri bilong ol stututori institusen.

Mipela i ken pre tasol olsem politisen i lukluk abrusim laik bilong em yet na luksave long sindaun bilong pipel. Mipela i prea olsem em bai pilim bel sore long ol pipel husat em i mekim tok promis long sevim. Na moa yet, mipela i prea olsem politisen bai tanim bel na luksave olsem i gat ol arapela samting we i bikpela moa, winim mani na olgeta samting mani i ken baim.

Larim ol pipel bilong PNG i kirap na presim God na nem bilong em i holi. Em bai lukluk i kam daun long mipela wantaim sore bikos em i harim krai bilong yumi. Em bai salim ol ensel bilong em long was long yumi, agensim ol politikal hevi na wol gavman na ekonomik pawa bilong ol bisnis patna bilong em long ausait. Presim God!



Sabina's Corner

Pogera gol main em i bagarapim bikpela busgraun tru. Wara sistem, nau i silip aninit long 200 fut pipia ston na ol wara nogut i go aut 900 yad long arere bilong riva.
Antap long dispela, ol pipia nogut i wok bihainim ol wara i ron i go aut long rot bilong en.
Barrick i save wanem ol hevi em i kamapim olgeta de? Na watpo na ol i no inap kisim ol Tuanda papagraun i go long gutpela ples?



This government will favour foreigners with money, but not its people

Porgera gold mine is an environmental disaster of a huge magnitude. The river system has been buried some 200 feet by rock waste and the spillage has spread some 900 yards from what was once the bank of the river, and on top of that, the tailings are discharged over the river bed and it follows the spillage. Is this Barrick company aware of what damage it has done and continues to do each day? And then, why is it that Barrick cannot relocate the Tuanda landowners to safer grounds?

IN THIS column some weeks ago, we said words to the effect:-

"What is now most obvious is that successive governments in this country are driven by economic considerations when it comes to major resource development in the country. It would seem that the moment they sight the cash flow projections and the moment they realize that monetary benefits to the government will be in millions and billions, they 'drop their pants' and run to the project developer's boardroom, all too eager to give into their demands like massive tax concessions and worse still, tax exemptions. It seems there are never any serious social impact studies or any other considerations for the social well being of the people. All our economic planning and projects are undertaken in a vacuum as if we the people, do not exist."

It seems as if the government's formula for economic development does not encompass the people as the ultimate beneficiaries of the project. This is one of the reasons why successive governments have not stepped in and assisted the people in their fights with major resource developers in this country.

Take the case of the Tuanda Clan of Porgera, and their fights for a fair deal in a relocation exercise where they have to move out of the mining lease and settle elsewhere. The clan has had some 60% of its customary land allocated by the government to the mining

company (Barrick), under a special mining lease and the remaining 40% is not habitable so the clan has nowhere else to go to. Thus, right now, the villagers are camping atop mountain tops whilst the mining company is tearing the mountains away and using the river system as a disposal site for the rock waste and the tailings from the mine. The company has not made any attempts to resettle the people elsewhere and out of the mining site.

And the government officers, whose job is to liaise with the mining company for the benefit of the landowners do not appear to have any inclination to step in for the people and demand that the company relocate them to a safer environment. They all act like they are on the company's payroll. For some unknown reason these government officers seem rather lethargic, impotent and powerless. We ask: Whom are these government officers acting for? And why is it that nothing is being done by the government to force Barrick to relocate these Porgera landowners to safer grounds?

Porgera gold mine is an environmental disaster of a huge magnitude. The river system has been buried some 200 feet by rock waste and the spillage has spread some 900 yards from what was once the bank of the river, and on top of that, the tailings are discharged over the river bed and it follows the spillage. Is this Barrick company aware of what damage it has done and continues to do

each day? And then, why is it that Barrick cannot relocate the Tuanda landowners to safer grounds?

What is most obvious from the above case scenario, is that the resource owners are not treated by the government as partners in the economic life of this country. Rather, the partnership now is between the national government and foreign capital. The people are isolated and ignored by the government and forced to fend for themselves whilst the government will side with the foreign company against the interests of its own people.

The resource owners are not only isolated. They are also being deprived of a voice to speak for themselves in defence of their status as resource owners; and a voice to air their concerns for their social wellbeing; and they are also deprived of their rights to defend their physical environment. This is the obvious effect of the recent amendment to the Environment Act 2000. More and more, the government is getting more powerful and the people are getting weaker and powerless.

As we said earlier, the partnership now is between the national government and foreign capital. The people are isolated and kept at bay to allow foreign capital to work wonders for the government. Yes, we concede that the resource owners do get monetary

benefits from foreign capital, but such benefits are meager and constitute an incidental expense item in the company's profit and loss account. Meanwhile, the national government's inaction is driven either by lust for foreign capital or by a sense of indifference to the wishes of its people, or both.

It is our view that the business of government in this country is now conducted like a private business enterprise with the government ministers constituting the Board of Directors, the PM being the Executive Chairman of the Board, and their Departmental Heads and Heads of statutory institutions acting like big-time CEOs.

Thus, with the business of government conducted along the lines of a private business enterprise, the politician and his CEOs do not feel that they have any social obligation to the people. Meanwhile, take a look around and you can see that public institutions like the Royal PNG Constabulary is defunct; the machinery of justice is totally ineffective and self-serving; the machinery of government is corrupted; the people are poor and powerless; and those with money to buy their way around bureaucracy are the only people who can access government contracts for mega bucks and the most obvious ones are the corrupted construction companies in Port Moresby known for their sloppy road construction works and hefty contract payments with a huge bribery component to cater for the govern-

ment facilitators.

If this government were faithful to its people, one would see a relationship of trust between the government and its people. The politician ought to play the role of a trustee holding office of guardianship and under obligation to discharge his duties as a trustee strictly for the benefit of the people who are the beneficiaries of the trusteeship. Alas, it is not so in this country. The business of government is conducted like a private business enterprise for the benefit of the politician, his associates, the departmental heads and heads of all statutory institutions.

We can only pray that the politician looks beyond his personal interest to acknowledge the people and their plight in this cruel world of money and materialism. We can only pray that the politician feels a sense of compassion for the people whom he has sworn to serve. And most of all, we can only pray that the politician, with grace, undergoes a 'change of heart' to realise that there are other ideals of a higher order, greater than money and what money can buy.

Let the people of Papua New Guinea rise and praise God for his name is Holy. He will look down on us with compassion for he has heard our cries. He will send his Angels to guard over us against the political might of this worldly government and the economic power of its foreign business partners. Praise be to God!

PNG i ken menesim sik AIDS

Veronica Hatutasi i raitim

PNG i ken kontrolim sik AIDS na kisim mak long ol dispela i gat sik, i dai na nupela i kisim dispela sik i go daun, Ali Feizzadeb bilong UNAIDS opis long PNG i tok.

Mista Feizzadeb i wokim dispela toktok insait long Nesenel Kapitel Distrik Provinse AIDS Komiti (NCD PAC) Stekholdas Netwok HIV/AIDS forum i bin kamap long dispela wik Tunde long Lamana Hotel long Mosbi.

As tingting bilong dispela bung em bilong ol stekholda grup long glasim na skelim ol wok go het bilong ol, na tu, putim tingting wantaim long givim stia long mekim ol wok na rot ol bai go long en long o taim i kam.

AIDS rekot long PNG i soim olsem i kam inap long las yia 2009, 34,100 pipel long kantri stap wantaim sik AIDS. Mak long 3,200 em ol nupela pipol i kisim binatang bi-



PNG ken menesim sik AIDS. Ali Feizzadeb i mekim tok klia.

long AIDS na 3,100 em ol pikinini. Ol pipel namel long 15 na 49 kris-mas em ol lain we planti i gat dispela sik.

Inap long 2009, ripot i soim olsem Pasifik rijen i gat 59,000

pipel i gat sik AIDS na long dispela, PNG i gat bikpela mak winim ol narapela Pasifik kantri wantaim moa long 34,000.

Skelim AIDS rekot bilong wol, Mista Feizzadeb i tok 2008 ripot i

soim olsem 33.4 milion pipel i bin gat sik AIDS. Long dispela, 31 milion em ol bikpela manmeri, 15.7 milion em ol meri na 2.1 milion em ol pikinini i gat namel long 0 na 15 krismas.

"Pasifik rijen i ken menesim na kontrolim sik AIDS long rijen bilong em. Yumi long PNG tu i ken menesim sik AIDS bikos ol kantri long sab Sahara long Afrika we sik i bin nogut tru i wok long menesim sik na isi mak i wok long go daun.

"Long PNG, yumi gat ol risos na save long kontrolim AIDS long kalap i go long moa man na meri. Yumi ken kisim mak long ol nupela sik, ol dispela i dai, ol pikinini i kisim AIDS na ol meri i kisim sik i go daun long ziro mak," Mista Fezzadeb i tok.

Poros Sapot em han bilong Save the Children Fan i save wok wantaim ol manmeri i gat sik AIDS i tok "negative attitude" o lukluk nogut long ol lain i gat sik AIDS i wok long mekim sik i kalap long moa pipel na

i go bikpela na sampela i dai tu.

Ripot we Poros Sapot i givim long dispela forum i bin tokaut olsem glasim ol lain wantaim AIDS na lukluk nogut long ol i mekim ol i no kisim marasin na ol i wok hait na givim sik long ol narapela. Sampela i sem long kisim marasin o go kisim helpim na sik bilong ol i go nogut moa na ol i dai.

Ripot bilong ol i tokaut tu olsem edukesen na stopim pasin bilong paitim na mekim nogut ol meri i ken daunim sik AIDS long kalap long planti pipel moa.

Poros Sapot em i nupela grup tasol em i strongim wok long helpim ol AIDS sik lain i kisim gutpela helpim na tu, lukautim rait bilong ol. Ripot i tok long ol lain i go long kisim helpim, planti em ol meri.

"Mipela i lukim samting olsem 3,000 yangpela pamuk meri insait long tripela mun, bai yumi etresim kain laip na wok ol i mekim sapos ol i no skul?" Poros Sapot ripot i askim.



OLSESEN DOKTA I WOK: Ol dokta i karimaut wanpela oporesen long Pot Mosbi Jenerel Haussik.

Ol dokta i kisim salens

...Moa medikel risets wok na ripot i mas kamap

Veronica Hatutasi i raitim

SALENS i go long ol dokta na ol helt wok manmeri long kamap wantaim ol helt polisi na klinikel gailain o stia bilong daunim ol laipstail sik na kensa we i wok long daunim planti pipel long dispela kantri.

Praim Minista na Gren Sif Se Michael Somare i bin wokim dispela salens las wik long opim namba 47 bung bilong ol dokta, saientis na ol helt woklain long kantri ol i bin holim long Wewak, Is Sepik.

Nem bilong bung i save kamap olgeta yia em ol i kolim long PNG Medikel Simposium.

Se Michael i tok wok risets na raitim ol samting long buk i bikpela samting bikos ol lain i kam bihain bai lukim, ritim na kisim save long en. Na tu, ol wok risets na ol ripot long ol toktok na tingting i kamap long bung i save helpim gavman long mekim ol helt plen na polisi long dispel kantri.

Se Michael i bin tokim ol lain long konprens olsem wok bilong ol bai stap laip sapos ol lain i karimaut risets long bihain taim i yusim long givim ol stia na tanim ol dispela risets long karim gutpela kaikai.

Medikel Sosaiti bilong PNG i save

kamapim dispela kain bung olgeta yia em i wanpela profesenel asosiesen long PNG i stap na skruim wok longpela taim stret winim ol narapela asosiesen long kantri. Ol bin statim sosaiti long yia 1955, 55 krismas i go pinis tasol em i go strong moa yet.

Em bin tok amamas i go long Medikel sosaiti long gutpela kwaliti wok na ol risets pepa i save kamap long PNG Medikel Jenel long planti krismas i kam inap nau.

Konprens i bin lukim tu se Michael i lon-sim nupela buk i gat histri bilong sejeri long PNG em Profesa David Walters em dokta bilong Sejeri long Geelong Yunivesiti long Victoria Australia, i bin raitim long em.

Bikos ol laipstail sik na kensa i wok long go bikpela na kilim planti yangpela pipel na save lain long kantri na i kamap olsem wanpela bikpela helt wari, Se Michael i tok ol dokta na ol risets lain i mas kamapim raitim ol spesel fokus isu i etresim ol spesel rurel medikel helt hevi, HIV/AIDS, ol laipstail sik na kensa.

Em i amamas olsem konprens i putim ol laipstail sik olsem bikpela eria ol bin toktok, glasim na skelim long en bikos nau ol i kamap olsem bikpela salens long PNG tude.

Helt, edukesen na ol rot bai kisim moa mani long 2011 baset

OL SEVIS pipel i laikim olsem helt, edukesen na ol infrastraksa olsem rot bai kisim moa mani long 2011 baset o mani plen, Prime Minista Se Michael Somare i tok.

Se Michael i bin tok olsem las wiken long fan resing dina bilong Redio Maria long Mosbi.

Em bin tok tru, pastaim ol sios i save sanapim ol skul, helt, trenspot na rot sevis long kantri. Na sampela sios i skruim yet dispela wok long ol rurel eria na ol taun long olgeta hap bilong PNG.

"Gavman bilong mi i luk-save long dispela patnasip na em i stat long fandim ol edukesen na helt sevis we ol sios i papa long ol taim mipela i kamap gavman long yia 2002," Se Michael i tok.

Long wankain taim tu, Se Michael i bin kisim sans long toktok long sait bilong helt long PNG, bikos em i tok i gat planti tok paul i mekim na pipel i bilip olsem dispela gavman i no wokim wanpela samting long ol ek-stra mani em i wok long mekim.

"Mi kisim dispela sans long stretim rekot na tok dispela gavman i no lusim tingting long putim ol risos i go long helt na ol narapela sekta. Samting tru em, long planti yia, mani mak we gavman i katim long helt sekta i no go antap tasol isi isi, populesen i wok long go antap.

"Taim yumi wok long stretim dispela eria, mi ken tok olsem mani mak we gavman i katim i go long helt na edukesen long mani plen ol-

geta yia i wok long go antap isi isi, stat yet taim ikonomi i wok long go gut.

"Helt na edukesen sekta i stap namelm long ol sekta i save kisim bikpela manimak long gavman baset," Se Michael i tok.

Em i tok wok long karim ol gavman sevis i go aut long pipel i mas senis bikos nau em i no ron gut.

"Mi bilip olsem long mani plen bilong 2011, helt na edukesen bai kisim moa mani," Se Michael i tok.

Em i tok moa olsem gavman i save katim mani i go long ol sevis eria, tasol ol pablik sevan na moa yet, ol bos bilong ol gavman dipatmen i mas yusim gut ol mani na risos long mekim wok na bai pipel i lukim na kisim kaikai long en.

5-pela pipel dai long sik pekpek wara long Westen provins

FAIVPELA pipel em ol pikinini i dai pinis na narapela 10-pela pikinini na wanpela bikpela man i sik long ples Yasap na Sangin-abib long Westen provins hajjin na toilet samting.

Ol ripot i kam long Ok Tedi i tok sik pekpek wara na belpen i kisim nogut ol pipel na i nogat gutpela helt sevis long eria we ol pipel i ken kisim helpim long en.

Bihainim ol ripot long sik na dai long tupela ples ya, wanpela medikel grup i gat long em ol opisa bilong gavman distrik helt, Katolik Helt sevis long Not Flai na Ok Tedi Maining Not Flai Helt Sevis Developmen progrem (NFHSDP) i go long eria long sekim ol siklain na givim ol marasin.

namba tu taim ol helt opisa i go long tupela ples stat yet long taim sik i kamap long eria na 5-pela pikinini i dai. Na ol narapela i sik.

Kelly Kewa em menesa bilong Ok Tedi Main NFHDP na John lari em Distrik helt opisa ol tes we ol opisa i bin karimaut long ol siklain long namba wan wokabaut bilong ol i go long tupela ples tupea wik i go pinis i soim olsem sik pekpek wara na belpen em ol as bilong ol pipel i sik na i daunim 5-pela pikinini dai. Na ol i tok nogat gutpela hajjin, wara na toilet i as long pipel na moa yet, ol pikinini i kisim sik na sampela i dai pinis.

Long namba tu wokabaut, ol helt opisa i kisim ol blut na testim ol sekim ol sik manmeri na pikinini long sik malaria na tu, kisim blut

long wokim tes bilong sik taipoid o pekpek i gat blut long en.

Ol opisa i karimaut tes long ol wara pipel i yusim long sekim sapos wara i gat ol binatang nogut we i mekim wara i no seif na i no gutpela long pipel i dringim.

Ol bai wokim wanpela wok glasim ripot long sik na helt sevis long eria. Tupela opisa i tok tu olsem ol nius ripot i bin tok 13-pela pipel i dai long tupela ples long sik pekpek wara i no tru. Ol i tok dispela mak long dai long eria i no stret bikos dispela mak em i bilong ol lain i dai long sik stat yet long 1994.

Long wankain taim, tupela opisa i tok ol lain we sik i daunim ol i wok long kamap orait nau.

Yunitek i stap gen long hevi

... Wanpela Sepik sumatin i dai

WANPELA long ol bikpela yunivesiti long kantri em Yunivesiti bilong Teknoloji (Yunitek) long Laei stap gen long hevi na planti ol sumatin i lusim kampus na ronawe i go long ol ples bilong ol.

Hevi i stat gen long las wik namel long ol sumatin bilong Hailans rijen na Is Sepik sumatin. Hevi namel long tupela grup i bilong longpela taim na i kam inap nau, tupela sumatin i dai pinis bihainim birua na pait namel long tupela grup.

Long pait na birua pasin namel long ol nau, ol Hailans sumatin i kilim dai pinis wanpela Is Sepik sumatin i wokim yia wan na em i skul long Aplait Saiens.

Bihainim dispela, planti sumatin bilong Hailans rijen i kisim bas na balus na ol i lusim skul na go bek long ol wan wan provins bilong ol. Ol Hailans sumatin i prèt nogut ol Is Sepik sumatin i peibek na bagarapim na kilim dai ol. Ol Sepik sumatin i kros tru long dai bilong wanlain bilong ol na ol i laikim bai Yunitek etministresen i

pasim skul inap ol lain i kilim dai Is Sepik sumatin i go long kot.

Bihain taim bilong ol sumatin long Yunitek i no luk gutpela na moa yet, taim 5-pela wik tasol long skul i stap. Na em i klostu taim bilong tes.

Long Tunde dispela wik, Yunitek etministresen i bin lukluk long ol klas i stat long Tunde yet, tasol liklik lain sumatin bilong ol narapela provins wantaim ol intanesenel sumatin bilong Vanuatu na Solomon Ailani stap bek na kamap long ol klas.

Yuniversiti etministresen i wok long bung na toktok long kamapim belgut namel long tupela birua grup.

Edministresen i tok ol polis i karimaut ol wok painim long pait na dai bilong sumatin.

Em i 4-pela yia nau taim birua pait namel long tupela grup i bin stat tasol maski, Yunitek etministresen na ol atoriti i mekim samting long stopim dispela kain pasin i kamap. Samting i no wok. Na hevi i kamap olgeta yia. Dispela hevi i save kamap long kain

taim olsem olgeta yia, klostu long taim bilong tes na pinis bilong skul yia.

Planti papamama i wari long skul bilong ol pikinini bilong ol bikos ol i tromoim bikpela mani long salim ol pikinini bilong ol i go long kain bikpela skul bilong lainim olsem. Ol i laikim Nesenel Gavman, Opis bilong Haia Edukesen, Yunitek na ol loman bilong mekim samting long stre-tim dispela kain hevi nau na bai i no inap kamap gen long ol yia i kam.

Ol UPNG sumatin harim toktok long lukautim busgraun

OL FAINOL yia Envaironmen Saines sumatin long Yunivesiti bilong PNG (UPNG) i kisim strongpela askim long "tingting ausait long bokis" na lukautim na menesim ol hevi we man na netja i kamapim long envaironmen o busgraun.

"Yupela i mas stat long tingting nau long rot bai yupela i helpim long etresim ol samting i kamapim hevi na bagarapim busgraun bilong yumi," Beng Saut Pasifik (BSP) Sosel Envaironmen Menesmen Sistem opisa em Rachael James i bin tokim ol UPNG sumatin long las wik Fonde.

OL UPNG Envaironmen stadis sumatin i bin askim Mis James long go toktok long olna em bin yusim dispela sans long toktok long ol hevi we maining, loging o katim timba bisnis, fising na ol narapela wok we ol manmeri i save mekim wantaim tu ol dispela we netja yet i save kamapim olsem solwara i solap na kamapim sunami i save bagarapim na kamapim hevi long envaironmen.

Mis James i bin tokim ol olsem olgeta lain na moa yet, ol save-lain olsem ol i ken mekim wok long sait bilong ol long lukim olsem envsaironmen i helti na seif long ol lain i kam bihain i ken yusim.

Em bin putim askim olsem wanem ol gutpela rot yumi ken bihainim long wok bilong kamapim developmenwe i tingim olsem dispela em samting we pipel i save yusim na kisim kaikai long em na long wankain



LUKAUTIM ENVAIRONMEN: Mis PNG Ret Kros 2010 na BSP Beng Envaironmen opisa, Rachael James, i toktok long ol Envaironmen Saiens sumatin long Yunivesiti bilong PNG, Pot Mosbi. Foto: BSP Midia

taim, lukautim envaironmen o busgraun.

"Lukautim busgraun long ol lain i kam bihain i ken yusim na amamas long en em samting we yumi olgeta wanwan manmeri, komyuniti na ol koporet kampani i mas tingim. Lukautim envaironmen i stat long ples yu stap long em na wokples tu bilong yu," Mis James i tok.

Wanpela sumatin meri, Patricia Logha em presiden bilong Envaironmen Studen Asosiesen long UPNG i bin tok tenkyu long Mis James long lekxa em i givim long ol na tok dispela i strongim ol sumatin olsem ol i mas mekim moa long lukautim na sevim busgraun.

Lekxa we Mis James i bin

givim long ol sumatin em i hap bilong kempin bilong BSP Beng ol i kolim long "Go Grin". Dispela kempin i laik promotim gtupela envaironmen stendets long ol wok bisnis bilong beng.

Namba wan hap long kempin em dispela Go Grin.

Na namba wan hap long dispela program long 2010 em anuel skul klinap de long Septemba 17.

Ol skul long olgeta hap bilong kantri bai go insait long dispela Long namba tu hap, beng bai askim pablik long go insait long em. Anuel Klin Ap De bilong BSP em long Septemba 18 em i askim long kamapim gut wol yumi stap long en bilong tude na tumora.



HAUS TISA: Wanpela long ol haus tisa ol i sanapim long Angoram.

Ol skul long Angoram kisim ol nupela haus tisa

OL SKUL tisa long Angoram insait long Is Sepik provins bai gat ol haus slip bilong ol aninit long K7.5 milion hausing projek memba bilong ol Arthur Somare i bin go pas long fanding bilong en.

Minista bilong Pablik Entaprais Arthur Somare i toksave pinis long opis bilong Rurel Developmen long katim K7.5 milion i go long hausing projek bilong ol tisa long 20 skul long Angoram.

Olsem Palamen memba bilong Angoram, Mista Somare i tok wanpela bikpela salens em long kipim ol skul tisa taim ol i lusim skul na painim ol wok long nupela kampani olsem long LNG. Tasol Mista Somare i wokim samting stret long lukim olsem em i putim mani long raitpela hap bai helpim skulim ol pikinini long PNG.

Wantaim ol maining na wel (oil) na ges projek i kam aninit long Likwifaid Naturel Ges (LNG) na ol gutpela pe samting, planti tisa i wok long lusim wok tru bilong ol na kisim ol narapela wok, edukesen dipatmen bai bungim hevi long sot long ol tisa.

Em i tok kam Novemba, ol bai pinis long bildim o sanapim 40 haus slip bilong ol tisa. Dispela ol haus bai pulim ol tisa na ol ken sindaun

na stap na mekim gut ol wok bilong ol long ol wan wan skul ol i wok long em.

Mista Somare i tok dispela ol haus ol i bildim i stap i gat tripela rum na ol samting bai ron long sola pawa. Ol bai konektim ol tu long vois na data ktelekomyunikesen netwok.

Mista Somare i tok dispela em i namba wan hap bilong program long bildim 148 ol tisa haus we ol bai wokim long neks tupela yia i kam.

Ol haus we ol i wok long bildim nau i stap long Keram. Ol 6-pela skul long Keram em long Wusetak, Mui, Samban, Bin, Dumuyu na Kambot skul. Foapela skul long Angoram em Angoram, Timbunke, Baki na Wilavila Praimeri skul. Foapela skul long Marienberg em long Watam, Taway, Kaup na Karau.

Ol narapela haus tisa ol i stat long sanapim nau em long Amboin long Karawali, Sununoi, Darapap na Ombus.

Mista Somare i tok bilong karim ol metiriel long bildim ol skul emm i hatwok bikos ol i trenspotim o karim ol i go long banana bot long Wara Sepik. Wan wan haus bai kostim K165,000 long sanapim.

Rilijes Instraksen i givim gutpela stia



MEKIM KLIA: Tupela Katolik Bisop em bilong Goroka, Francesco Sarego na Bisop Rochus Tatamai bilong Bereina Daiosis long Sentrel provins i bisi toktok long sampela samting i stap. Poto: Veronica Hatutasi

Veronica Hatutasi i raitim

OL SKUL i no bisi long putim rilijes instraksen olsem hap long skul kurikulum bilong ol na olsem, yumi lukim ol sosel hevi na ol bikhet pasin ol yangpela pikinini bilong yumi tude.

Olsem na rilijes instraksen i mas kamap strong gen long ol skul progrem na em i ken soim gutpela stia long ol pikinini.

Praim Minista Se Michael Somare i tok olsem taim em i toktok long fan resing bilong

Redio Maria las wik Sarere long Mosbi.

Rilijes Instraksen em ol skul long save long God, bihainim gutpela pasin na givim luksave long ol narapela na ol narapela gutpela stia long laip we ol katekis na ol pasto i save givim long ol skul.

"Mi lukim olsem ol skul i no moa mekim Rilijes Instraksen olsem wanpela bikpela eria long skul kurikulum bilong ol. Olsem na yumi lukim ol kain samting i kamap olgeta de long bikhet pasin na ol samting i no stret ol ysangpela pipel i

mekim tude long olgeta hap bilong kantri.

Planti pikinini tude i no save go long haus hariap bihain long skul long mekim homwok, helpim ol papamama na mekim ol samting long famili na komyuniti.

"Long dispela as, yumi mas lukim olsem Rilijes Instraksen em i bikpela samting. Bilip bilong yumi tude i bungim yumi olsem wanpela pipel. Na Rilijes Instraksen i mas kamap long praimer i na sekonderi level," Se Michael i tok.

Nesenel konprens bilong Luteran Rivaivel sios bai kamap neks wik

Veronica Hatutasi i raitim

OL WOK redi i go het long holim wanpela konprens bung bilong Luteran Rivaival sios long neks wik.

Luteran Rivaival Sios bilong PNG bai holim namba 17 nesanel konprens bilong em long 8 Mail insait long Nesanel Kapital.

Wanpela wik bung bai stat wantaim

opening seremoni long Sande Septemba 12 bai pinis long neks wik Sande, Septemba 19.

Kodineta bilong dispela konprens, Pasto Mathias Mathew, i tok moa long 400 sios memba olsem ol pasto, ol lida na ol narapela bilip manmeri bai kamap long bung long toktok long ol samting i karamapim sios bi-

long ol.

"Wanpela long ol agenda ol bai toktok long en em long rot we ol i wok long go long ranim sios. Bai mipela i glasim na skelim tu ol narapela sosel, famili na komyuniti isu olsem ol yut, ol pikinini, pastoral wok na ministri bilong ol meri," Pasto Mathew i tok.

Ol i bin statim Luteran Rivaival Sios long ol yia long 1980 bihain long ol

bin bruk long Evangelikel Luteran Sios bilong PNG (ELC/PNG). Hetkota bilong ol i stap long Lae, Morobe provins. Man i go pas long sios bilong ol em ol i kolim long presiden.

Sios i gat ol han long Morobe provins yet, Madang, Kainantu na Goroka. Dispela em ol ples bai salim ol memba bilong ol long Mosbi bung neks wik.

Gavman i givim K90,000 long sapatim wok bilong Redio Maria

KATOLIK redio sevis, Redio Maria i kisim K90,000 helpim long Praim Minista Se Michael Somare long karimaut ol wok bilong em.

Se Michael na Ledi Veronica tu i bin mekim tok promis long givim K5,000 olsem kontribusen long family bilong ol long sapatim wok bilong Redio Maria.

Se Michael i bin givim

mani sapat i go long Redio Maria insait long wanpela fan resing dina we ol lain bilong Redio Maria i bin wokim long Mosbi las wik.

Se Michael i bin tok Redio Maria i givim gutpela sevis i go long komyuniti long ol famili kaunseling program, pre long ol sik manmeri na planti ol narapela lisina husat i save harim redio stesen long ol ples longwe.

Redio Maria em i wanpela volantia komyuniti redio sevis i wok long 50 kantri long wol. Hetkota bilong en i stap long Rom, Itali.

Ol paionia bilong Redio Maria long PNG em long Pater Mlak na nau i dai bikman, Andrew Yaueb.

Redio Maria i bin statim wok bilong em long PNG ples wok brotkas sevis we Rilijes Televisen Asosiesen i bin save mekim long sampela yia pastaim. Pot Mosbi, sampela hap bilong Sentrel provins na We Sepik i ken kisim na harim Redio Maria.

Petron bilong Redio Maria PNG em memba bilong Aitape-Lumi, Patrick Pruaitch.

Tupela Se Michael na Ledi Veronica i bin kamap namba wan lain long kisim "Ol Pren bilong Redio Maria" awot o luksave bihain long ol i tok promis taim nau na bihain long mi i kamaut long dispela kain laip, mi laik helpim ol lain i stap yet long haus kalabus," Pasto Mera i tok.

"Mi stap long dispela ministri longpela taim nau na bihain long mi i kamaut long dispela kain laip, mi laik helpim ol lain i stap yet long haus kalabus," Pasto Mera i tok.

wol na PNG long skruim Tok bilong God i go aut long pipel, redio i stap yet olsem rot we planti pipel long PNG i save harim na kisim ol toktok na nius.

Em i tok taim Redio Maria i mekim wok bilong em long autim Tok bilong Bikpela i go aut long planti pipel, em i gat ol program long famili laip, helt na awenes long ol mama na pikinini.

"Yumi luksave olsem planti pipel bilong yumi i save komyuniket wantaim ol famili, long kisim nius, entateinmen, infomesen na edukesen long redio. Olsem na yumi mas luksave long bikpela wok na sevis we redio i save givim long en. Na long sevim komyuniti na sosaiti moa yet, Redio Maria i mas kisim ol sevis bilong em i go long ol narapela hap bilong kantri. Yu wok long kantri long tripela yia nau na mi strongim yu long developim ol program bilong yu na go long moa ples.

"Taim wok bilong yupela em i bilong skruim Tok bilong God i go long moa pipel long kamapim gut laip na sindaun bilong ol manmeri na ol i ken kamap ol gutpela sitisen bilong dispela kantri, em i wok bilong gavman tu. Yumi gat wanpela gol yumi wok long em, tasol rot yumi bihainim long inapim dispela i narakain. Na mi bilip olsem em i mas stap olsem.

"Mi tok olsem tasol mi luksave tu olsem sios na gavman i mas gat moa patnasip long wok bilong bildim na developim kantri," Se Michael i tok.

Komyuniti sapat i bikpela samting

Helen Rei i raitim

KOMYUNITI i gat ki long lukim olsem man o meri i kamaut long haus kalabus i pinisim gut wok long kamap orait.

Na wei komyuniti i laikim em bek o helpim em long kamap orait o nogat bai stiaim bihain taim bilong em.

Pasto Gideon Mera bilong Debeini Living Water Sios (LWC) long Gerehu i bin stap long wanpela wik sios bung long Singapo i bin skelim olsem bihain long ol samtign e ol i bin glasim long konprens.

Prison Felosip Intenesenel (PFI) i bin kamapim dispela bung na Pasto Mera i bin makim PNG LWC long dispela bung.

Pasto Mera i bin stap long kalabus bipo na ekspiriens bilong em i helpim em long senis na nau em i stap long ministri long helpim ol lain husat i save bungim birua na go long kalabus.

"Famili bilong mi na komyuniti mi stap long en i pilaim bikpela hap long wok bilong kisim mi bek long komyuniti. Na sapat bilong ol i helpim mi senisim laip bilong mi," Pasto Mera i tok.

As tingting long dispela bung em long glasim ol samting we komyuniti i ken mekim na man i kamaut long haus kalabus i ken sinaun bek gut long komyuniti. Ani nit long Pasifik Komisijn projek bilong PFI, i gaT 6-pela komisina we Pasto Mera i wanpela

NCD COC holim fan resing bilong redi long 21 aniveseri

BILONG redim ol yet long 21 aniveseri bilong Kristen Autris Senta Sios (COC) long Lae long mun Novemba long dispela yia, Nesanel Kapitel Distrik han bilong COC i bin holim wanpela fan resing long Mosbi las wiken.

NCDC COC etministresen i bin go pas long bikpela fan resing long Hohola olsem hap bilong kamapim K30,000 long dispela aniveseri bilong ol. Rot ol i bihainim long fan resing wok em "Baim Dis Kaikai" we ol famili na pren i bin go long fan resing nab aim wanpela dis kaikai. Na mani i go long dispela fan resing wok.

COC i bin kirapim wok olsem wanpela

sios long PNG long yia 1989 na em i wanpela Gospel muvmen. Sios i kontribuit long spirituel, tiolojikel na helt sevis long PNG long Ministri Trening Institut long Hagen na Alotau. Na long COC Barawagi helt sevis long Simbu provins.

Etnministreta bilong NCD COC i tok ol i pilim olsem em i bikpela samting long bung wantaim na selebretim 21 yias long wanem God i mekim insait long muvmen bilong sios bilong ol long PNG.

COC i gat 41 sios long wol na long PNG, em i gat moa long 300 sios.

NCD COC bai holim narapela fan resing long neks mun.

Moa awenes i mas kamap long ol MDG

Veronica Hatutasi
i raitim

MOA awenes wok i mas kamap long provinsel, distrik na lokol level gavman level long ol Millennium Developmen Gols (MDG) long PNG i ken inapim sampela long ol gol kam yia 2015.

Sapos ol lain long provins, distrik na LLG i nogat kliapela save wanem em ol MDG bai PNG i nonap long inapim ol dispela MDG gol, Dilli P Bhattaral em Sif Teknikel Speselis long ol MDG wantaim Yunaitet nesens Developmen Program (UNDP) na i beis wantaim Dipatmen bilong Nesenel Plening na Monotering i tok.

Em i wokim dispela toktok long las wik Fraide taim Wantok i stori wantaim em long lonsing bilong MDG, "Sanap na Wokim Samting, Mekim Nois long ol MDG" kempein bilong dispela yia.

Ol lain bilong ol han bilong Yunaitet Nesens long PNG olsem UNDP na UNICEF, UNFPA, ol lain i makim ol gavman dipatmen i wok long eria bilong ol MDG olsem Komyuniti Developmen, Plening na Monotering, ol MDG koalisen patna na Sivil Sosaiti Ogenaisesen patna i bin stap long lons program long Mosbi las wik Fraide.

Ol 8-pela MDG gol we 189 wol lida we PNG i wanpela long ol i bin sainim long Milenium Dekleresen em long; rausim pasin turangu na hangere, ol pikinini man na meri mas pinisim praimeru skul, promo-



MDG LONS: Liklik manki i stretim fleg long lonsim ol MDG long UN Haus las wik Fraide. Poto: UNDP Midia

tim jenda ikwaliti, kamapim gut helt bilong ol mama na ol pikinini, daunim mak bilong sik AIDS, malaria, TB na ol narapela sik olsem, lukautim gut busgrasun na wara na kamapim global patnasip long developmen. Na ol kantri mas kamapim ol wok go het na inapim ol gol insait long 15 yia taim na detlain mak em yia 2015.

Tasol long keis bilong PNG, yumi no nap yet long mak bilong inapim wanpela long ol gol, tasol sampela wok go het i kamap long sampela.

Lons long las Fraide em i bilong mekim PNG Gavman i luksave olsem i gat 5-pela yia tasol i stap na gavman i mas glasim na skelim em i stap long wanem mak nau long rot bilong inapim ol MDG.

Olsem na long Septemba 20 inap long de namba 22, ol wol lida bai bung gen long Nu Yok, Amerika long glasim na skelim olsem ol wanwan kantri i stap long wanem mak nau long rot bilong inapim ol MDG. Long PNG, helt bilong ol mama na ol pikinini, paitim na

bagarapim ol meri na bikpela mak bilong pipel i no save long rit na rait e mol bikpela samting we kantri ino inapim ol MDG.

PNG i gat piksa nogut long Esia na Pasifik wantaim bikpela mak bilong ol mama i dai taim ol i karim pikinini. Na long ol liklik pikinini long wanpela de inap long 5-pela krismas i dai. Kantri i ken kamapim gut dispela sapos gavman i kamap papa bilong ol MDG na putim inapim long ol eria bilong helt, edukesen na yusim gut mani long

kamapim gut laip na sindaun bilong pipel, lons i bin tok.

"Apil o singaut i go long ol sivil sosaiti grup na pipel bilong PNG long sanap wantaim mipela long mekim samting na inapim sampela ol gol long gutpela bilong pipel bilong yumi nau na long bihain taim Matilda Koma em Sivil Sosaiti Ogenaisesen Koalisen ko-sia, i tok.

Rijinel Dairekta bilong UN Millennium Kempein long Esia na Pasifik rijen, Minar Pimple i bin tok" gutpela wei long PNG em inapim ol MDG em long tromoim mani long helt bilong ol meri na pikinini, pasin bilong daunim pait na bagarapim ol meri, jenda ikwaliti na edukesen.

Sampela ol eria we PNG i isi mekim sampela go het long ol em, mak bilong ol liklik pikinini i dai i go daun isi isi skelim wantaim ol 1970's, edukesen em long sait bilong enrolmen, ritensen o stopim ol pikinini long lusim skul, kwaliti na literesi.

Plantu pipel na moa yet, long provinsel, distrik na LLG level i no klia long ol MDG bikos ol atoriti i no mekim wok long dispela eria.

"Moa awenes i mas kamap long provinsel, distrik na LLG level, ol distrik na LLG i mas putim ol MDG i go insait long plening bilong ol, ol i ma skatim manimak long mekim ol wok long ol dispela eria na monitaim sapos ol plen na wok i kamap e mol bikpela samting i mas kamap long provinsel, distrik na LLG level," Mista Bhattaral i bin tok.

PAU maketim taro bilong ol meri Is Nu Briten

OL MERI long Is Nu Briten i makim las wik olsem wanpela bikpela taim bikos ol i statim wanpela wok long maketim taro bilong ol long ol maket long Mosbi.

Long dispela wok, em i namba wan taim we ol meri yet bilong Is Nu Briten i wokbung wantaim ol yut na planim na groim taro long Is Nu Briten provins yet na traim long maketim ausait long provins. Na long las wik, wanpela kontena i gat ol taro long en em ol i salim long sip i kam long ol maket long Mosbi.

Tasol wok long planim na kamap wantaim ol dispela taro i kamap bihainim plantu yia risets na hatwok long kontrolim na menesim ol binatang i save bagarapim taro we Nesenel Risets Institut (NARI) long Keravat i karimaut. Gutpela samting em, taro risets i no bin stop bihain long ol i painim wanpela kemikel o marasin long rausim hevi we ol taro binatang i wok long bagarapim ol taro sid, tasol ol i go moa yet na kamapim ol taro long planim na salim.

Ol Is Nu Briten Wimen (Meri) na Yut Agrikalsa (ENBWYIA) i bin go pas long dispela wok projek wantaim sapot bilong Is Nu



IS Nu Briten taro hia long Mosbi.

Briten Provinsel Gavman na NARI. As tingting bilong projek em long salim taro i go long ol maket ausait long provins.

Namba wan kontena taro i bin lusim Is Nu Briten long Ogas 22 na kamap long Mosbi long Ogas 30. Bikpela kastoma i baim na salim ol taro long ol bikpela maket long Mosbi siti em long Pasifik Edventis Yunivesiti (PAU) i stap abrusim Mosbi siti.

Tim long Keravat i bin amamas tru olsem projek i kamap gut na i karim kaikai. Tupela yia projek em Australia Inovativ Grent Skim i bin fandim wantaim tingting bilong karimaut risets long kamapim kwaliti taro long kamapim long ol maket long PNG yet na long ovasis.

ENBWYIA i amamas tru long wok wantaim NARI

long Keravat long dispela projek na ol i lukluk long ol gutpela samting bai kamap long dispela projek.

Ol meri na yut i wok long kisim trening long putim ol marasin samting bilong kontrolim ol binatang nogut i save bagarapim taro, ol gutpela rot bilong planim na lukautim na rausim taro taim em i redi gut na redim long salim long sip na maketim.

Komesel seksen bilong PAU i tok sapos dispela wok long baim taro long ol ENBWYIA na salim i kam long Mosbi i wok gut, ol i ken baim tu ol narapela kaikai, kumu na prut long Is Nu Briten i kam long Mosbi. Dispela namba wan kontena we PAU i baim long ENBWYIA na salim long Mosbi i gat long em ol taro, singapo na ol drai nat.

Wari long lidasip na gavanens bilong kantri

GUTPELA gavman, ol samting i ron gut wantaim gutpela gavanens na lidasip, ol risos bilong yumi i helpim long kamapim gutpela laip na sindaun bilong pipel na pipel i kisim gut sevis em samting we yumi olgeta i laikim long dispela kantri.

Wanpela mama i wari long ol samting i no ron gut long kantri na em i autim ol tingting bilong em.

Margaret Kliawi em i wanpela komyuniti volandia wokmeri long Mosbi siti em dispela mama i wok long bungim ol tingting na wari bilong komyuniti insait long las 10-pela yia i kam in ap nau.

Misis Kliawi i tok ol tingting em i bilong "Backyard Collective Point of View Concerns" em i bungim i stap na i stat

long yia 2000.

Ol tingting i sut long lidasip, gavanens na sevis we ol politisen i sapos long kamap olsem ol sevan bilong pipel na harim tingting bilong ol long ol bikpela samting i sut long graun, sindaun na laip bilong ol bipo ol i mekim ol disisen.

"Pipel i givim vot i go long Praim Minista Se Michael Somare na ol narapela palamen memba. Olsem na yupela i mas kamap olsem sevan bilong pipel. Bipo long yu pela ol politisen i wokim ol disisen, i moabeta long yupela i kisim tingting bilong pipel pastaim," Misis Kliawi i tok.

Misis Kliawi i tok sampela samting we Se Michael na gavman bilong en i mekim i no bihainim laik na gutpela stap bilong pipel na komyuniti.

Olsem na em i mas tok sori na lukluk long Bikman i givim em gutpela stia.

"Sia bilong praim minista em i bilong pipel i putim yu long en. Mipela pipel bilong PNG i luksave long lidasip bilong yu long gavman moa long 40 yias nau bikos yu givim stia long namba wan top wok long kantri. Mipela i luksave tu olsem long stia bilong yu, PNG i bin kisim independens long gutpela rot na nogat pait na dai i bin kamap. Tasol noken larim ol narapela i yusim yu na posisen yu gat long kisim samting bilong ol yet. Yu gat gutpela save olsem (King) Solomon. Na mipela i tok tenkyu long yu olsem long 2007, yu bin sainim tok promis na givim PNG i go bek long God," Misis Kliawi i tok.

LIKLIK MIS MANUS

MARGARET Paliau i gat 5 pela krismas na em save skul long St Peter Praimeri Skul long Erima. Margaret wantaim papa bilong em i mekim liklik fanresing long mekim mani bilong Margret long resis long liklik Mis Manus.

Liklik Mis Manus resis bai kam long dispela Sarere taim Manus i amamasim provinsel de bilong ol long Yunivesiti bilong PNG Dril Hal. Mani we Margaret na famili bilong em i mekim bai go stret long projek mani bilong ol Manus sumatin husat i skul long ol bikpela skul olsem long yunivesiti long helpim ol long mekim sampela kain bung olsem bilong Manus long yia kam bihain. Wantok Niupepa potograpa, Nicky Bernard i bungim Margaret na papa bilong em long



Renbo taim em i go givim wanpela dis kaikai long wan famili bilong em long mekim mani bilong em long liklik Mis Manus resis.



Gillard i namba wan meri tru tru nau long kamap PM

TINGTING bilong dispela tupela indipenden long sapatim Leba Pati, i mekim Julia Gillard i kamap nambawan meri tru long holim wok olsem Praim Minista blong Australia.

Julia Gillard i bin kamap Praim Minista long mun June, tasol taim em kamap PM, em i bin tok, em i no kisim tok orait bilong pipel stret long dispela - olsem na em i no laik muv igo long haus blong Praim Minista.

Tingting bilong dispela tupela indipeden i kliarim rot long em i ken muv i go long haus bilong Praim Minista em i bin sanap nating i stap bihain long Kevin Rudd na famili bilong em i bin lusim.

Nupela gavman bilong Mis Gillard bai gat ol nupela pes long ol sinia wok.

Em i mas makim wanpela nupela Fainens Minista na wanpela nupela Difens Minista bilong kisim ples blong Lindsay Tanner na John Faulkner.

Na em i mas stretim tingting long wanem kain wok em bai givim long man em i bin kisim ples bilong en long Praim Minista wok, Kevin Rudd.

Ol liklik guria i wok kamap yet long Christchurch siti long Nu Silan

SITI bilong Kraistses (Christchurch) i wok long bungim yet ol liklik guria bihain long kamap bilong bikpela guria stret long Sarere.

80 ol soldia i stat lukautim pinis siti bilong larim ol imejensi sevis opisa i kisim malolo.

Stet ov Imejensi i bin stap i kam inap Trinde, na ol i no larim yet ol pipel i go insait long planti ol hap long sentral bisnis distrik.

Ol i putim bek pinis ol pawa tasol ol i tokim pipel i mas boilim wara bilong dring, nogut em i gat sampela kain posin i stap long en.

Pipel bilong Christchurch i tok, ol i wok long mekim olgeta samting bilong lukautim ol yet.

"Man bilong mi i sik na i stap long haus, na mipela i nogat wara. Mipela i sot long kaikai bilong bebi, olsem na mipela i kam daun na kisim sampela pastaim long ol stua i pas. Traim long klinim haus na ol windua i bruk, na pasim gut haus. Mipela i nogat wara yet, tasol mipela i gat pawa, na em i orait."

Bikpela insurens kampani bilong Australia long Nu Silan i tok, em i eli tumas long save hamas mani stret pipel bai kleim long en long



Tru tru Praim Minista bilong Australia, Julia Gillard

Julia Gillard i bin kamap Praim Minista long mun June, tasol taim em kamap PM, em i bin tok, em i no kisim tok orait bilong pipel stret long dispela - olsem na em i no laik muv igo long haus blong Praim Minista.

insurens, bihainim dispela bikpela guria tasol, em i tok, em bai bikpela mani tru.

Insurens Australia Grup i tok, em i toktok pinis wantaim moa long 2000 pipel long telepon i kam inap nau.

Ol i wari long bikpela haiwara bai bagarapim ol haus long Viktoria

OL imejensi sevis long Viktoria, Australia, i tok, bai ol i mekim moa wok bilong halivim pipel, taim haiwara i go het long go antap raun long stet.

Bikpela ren i pundaun long ol dispela de i go pinis, i bin kamapim haiwara raun long stet na katim rot i go long planti ol haus insait long not is bilong stet.

Lacklan Quick i kam long Stet Imejensi Sevis, i tok, ol kru i wok long go long ol haus insait long ol narapela eria long tokim pipel long hariap na lusim ol haus bilong ol.

14 pipel i dai long pairap bilong bom long Pakistan

SAMTING olsem 19 pipel wantaim tu nainpela polis opisa i dai pinis bihain long wanpela suisait boma man i bin draivim kar bilong em i go insait long wanpela polis stesin long notwes Pakistan.

Ol opisal i tok, planti ol narapela pipel i bin kisim bagarap na ol i ting namba bilong ol pipel i dai bai go antap taim ol reskiu wokas i go painim ol pipel insait long bilding em i bin pundaun bagarap.

I nogat wanpela lain yet i tokaut long pairapim dispela bom, tasol ol i bin sutim tok long lain bilong Taliban long Pakistan long kamapim dispela tupela wankain bom pairap insait long wik i go pinis.

Dispela trabel i bin kamap long dispela taim Pakistan i go het long dil wantaim o hevi i bin kamap long ol bikpela haiwara long kantri.

Amerika Samoa bai mekim first anivesari bilong guria long Septemba 29

OL atoriti long Ameriken Samoa bai makim Septemba 29 olsem wanpela pablik holide bilong makim namba wan anivesari bilong guria na sunami i bin kamap long las yia, we 34 manmeri i bin dai long en.

Gavana Togiola Tulafono, i tok, bai ol i holim ol lotu sevis insait long olgeta ples bilong tingim dispela bagarap i kamap long histori bilong dispela US teritori.

Dispela bikpela guria i bin kamapim ol bikpela si tru long solwara em i bin bagarapim ol ples long nambis.

Gavana Tulafono, i tok, ol i kirapim pinis wanpela komiti bilong redim wanpela memorial progrem bilong anivesari sevis, na wok wantaim Nesenel Kaunsil bilong ol Sios long Amerika Samoa.

Ol i askim ol Yunivesiti ov Teknoloji sumatin long go bek skol

OL i tokim pinis ol sumatin long Papua Niugini Yunivesiti bilong Teknoloji long o bek long skol bihainim ol trabel i bin kamap long skol long wik i go pinis.

Planti long ol sumatin i bin ronawe taim wanpela pait i bin kamap namel long tupela grup long Fonde, em wanpela fes yia enjiniaring sumatin i bin dai long en, na narapela sumatin nau i stap yet long Angau haus sik.

Ol bikman bilong Yunivesiti, i bin pasim ol klas long Fraide na ol toktok long wiken long traime bringim ol grup i bin stap insait long dispela trabel stretim ol hevi bilong ol.

Yunivesiti i bin putim strongpela sekyuriti long kempus, wantaim moa polis na ol gat long patrol.

I gat faipela wik tasol i stap nau bipo long fainal eksem, na ol i tokim pinis ol sumatin olsemem i seif long go bek skol.



KOMENTRI

Gavman mas tingim groa long populesen

POPULESEN, o namba bilong olgeta manmeri na pikinini long kantri, em ino samting nating. Nogat.

Namba bilong wan wan long yumi olgeta manmeri long PNG em i bikpela samting tru we gavman i mas luksave long en.

Sapos gavman i save long spid bilong groa long namba bilong yumi ol pipel, em i ken helpim em yet long sanapim ol plen o progem bilong kirapim wok di-velopmen, bilong strongim save bilong pipel, na long save hamas skul, haus sik, kaikai kantri bai nidim long bihain taim.

Tude, yumi ken lukim planti hanmak i stap nau, olsem namba bilong ol manmeri bilong yumi long kantri, i no wankain moa olsem bipo.

Nau taim planti nupela samting i wok kam insait long kantri, ol famili i wok long gat moa pikinini.

Dispela bikpela namba manmeri i ken givim moa hevi long kantri sapos ol savemanmeri bilong yumi long gavman i no bihainim gut na mekim plen bilong bihain taim.

Sapos namba bilong ol manmeri long ol taun na siti i wok long go antap, bai yumi mas tingim olsem bai gat moa sans bilong ol kain kain sik i ken bruk na kilim planti moa manmeri.

Sevis gavman i mas givim long pipel, i mas bihainim mak bilong ol manmeri husat i nidim ol sevis.

Sapos yu lukim moa birua i wok long kamap long ol rot insait long ol taun na siti, em i min olsem i gat planti kar moa i ron long rot. Na sapos i gat planti kar tumas long rot we i bungim birua, em i min olsem ol rot long taun na siti, i no moa inap long namba bilong ol kar.

Em i wankain wantaim olgeta arapela samting olsem haus sik, skul bilong ol pikinini bilong yumi, na graun bilong ol pipel bilong yumi long groim kaikai, sanapim haus slip, na skelim long ol pikinini bilong ol long bihain taim.

Gavman i noken abrus. Sapos ol i abrus, bai kantri bilong yumi i bagarap olgeta.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

**Pe bilong wanpela yia
52 niuspepa**

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Wenge kalapim banis gen

GAVANA bilong Morobe, Luther Wenge, i kalap go bek gen long Gavman bilong Somare we em bin kros na lusim long las mun.

Bikpela as tingting em wantaim sampela lain bin lusim gavman na kalap go long hapsait wantaim Oposisen em long painim namba bilong rausim Gavman bilong Somare long vot nogat bilip.

Tasol dispela astingting i no kamap tru bikos ol nogat namba. Em bikos ol lida bilong Hailans rijen sanap strong wantaim namba bilong ol na strongim yet Somare long Gavman.

I nogat rot moa bikos sapos yu stap long Oposisen, sore sans bilong yu long traim winim bek 2012 nesanel ileksen bai hat nau. Olgeta Gavman long bipo i kam save holim pas mani bilong ol memba husat i laik bikhet liklik o hatim bel liklik na wok i no save kamap gut long ilektoret bilong ol.



Olsem na sapos yu stap long Oposisen bai ol projek bilong yu long ples bai hangamap stap wetim mani.

Long dispela as, yu mas painim rot na go bek long Gavman sait long dispela taim. Yu mas hariap go bek nau nogut ol pipel bilong yu long ples bait ok nogat han mak bilong yu long ples. Yu stap long Gavman sait em yu laki nau bikos mani bai kam daun na wok bai kamap.

2011 em taim bilong lukluk moa long mekim wok long ilektoret long winim wanbel bilong ol manmeri. Em olsem taim bilong statim kempen ya.

Gavana bilong Morobe provins Luther Wenge ken tok olsem Gavman i harim tok bilong em long stopim sampela bikpela tingting em

bin egensim na tu Gavman putim planti milien Kina long stretim ol rot long Lae Siti. Long dispela as, em wanbel long go bek.

Sapos yumi skelim ol arapela memba husat bin kalapim banis na go bek long Gavman sait long mun, bai yu lukim olsem em ol yangpela lida o ol nupela lain memba bilong palamen. Tasol Gavana Wenge em lapun bilong Palamen ya. 15 krismas kilim em pinis long palamen na em save gut long ol rot. Em klia gut tru long wanem kain samting bai kamap long eksen bilong em. Gutpela o nogut em yet save pinis.

Ating bikpela tingting yumi ken klia nau em, ating Gavana Wenge i pret long lusim sia bilong em long 2012. Bikos long 2007, Bob Sinclair i bin givim em bikpela salens tru na piksa i soim olsem planti pipel wok long lusim em nau. Planti namba bilong em wok long go daun nau.

Sapos Gavana Wenge em trupela hapbek bilong Somare Gavman, ating Somare bai tingim em nau na mekim sampela bikpela samting long sapatim em bai ol pipel bilong Morobe ken lukim.

Kalap long Gavman go long Oposisen na bihain kalapim banis na go bek gen em olsem pasin bilong spakman. Brukim banis go long haus bilong narapela lain na spak pinis nau het i klia na kirap wantaim sem na sikrapim het na wokabaut isi isi go bek long hauslain bilong em.

Nau ol Songang na pipel bilong ples bai tok wanem? Ol sem nau bikos bikpela boi mekim pasin sem ya.

K500 milien Fainens Minista Peter O'Neill tok long givim long stretim Lae siti rot em mani bilong Papua Niugini Gavman long stretim Lae siti rot ya. Na em nesanel projek bilong Nesanel Gavman ya. I no Morobe Provins Gavman.

Stori bilong graun pot na saksak mas stap long Hiri Moale Festival

James Kila i raitim

OLGETA samting we i stap bipo wantaim kalsa na pasin bilong Hiri Tred mas kamap ples klia na ol yangpela tude i mas save.

Ol kalsa na pasin bilong wokim graun pot na tu paitim saksak em ol lain i mas soim long Hiri Moale Festival.

Dispela em bikpela toktok na salens, wampela loya Kelly Naru i bin mekim long Tunde, taim em i givim liklik helpim olsem K1,000 i go long ol lain bilong Gaire viles, husat nau i wokim wampela lagatoi long bringim i go long Ela Bis long amamasim Hiri Moale Festival long neks wik.

Wantok Niuspepa i bin go long Gaire viles long Tunde na i stori wantaim ol wokman husat i wok long wokim lagatoi.

Planti bilong ol i tok olsem wok bilong wokim wampela lagatoi em hatpela wok tru, na i save kos bikpela mani tru.

Kaunsila bilong Gaire Viles, Korema Ranu i tok olsem samting olsem 30-pela man i bin wokim dispela nupela



LOYA HELPIM: Ol wokman meri bilong Gaire viles husat i wokim lagatoi bilong Hiri Moale Festival i kisim K1,000 helpim long loya Kelly Naru (Iephan). Foto: James Kila

lagatoi we ol bai ron long solwara i go long Manubada Ailan na bihain ron i go sua long Ela bis long Independens De selebresin na tu Hiri Moale Festival.

Long las yia pikinini meri bilong Kaunsila Korema nem bilong em Timanu Korema I bin winim taitol olsem Hiri Hanenamo kwin long resis.

Mista Korema i tok olsem wok bilong wokim wampela bikpela lagatoi i ken kos samting olsem K50,000. Dispela em bikos ol diwai na ol samting ol

i bringim long longwe ples i kam na tu kos bilong trenspot na mani bilong bai kaikai na givim ol lain i wok. Long dispela lagatoi ol i wokim long Gaire viles, em ol pipel i kisim ol diwai long Doura long Hiritano Haiwe na sampela long Kalo long Hula sait.

Kaunsila Korema i givim bikpela tok tenkyu tru long Mist Naru long dispela helpim bikos ol i sot tru long dispela taim long baim kaikai na mani bilong baim simuk, buai na loli wara long stre-

tim ol wokman na tu ol lain husat bai ron long lagatoi i go olsem long Mosbi.

Kaunsila Korema i tok olsem 40-pela lain olgeta bai stap antap long dispela lagatoi na seil i go olsem long Mosbi. Narapela lagatoi em ol pipel bilong Manumanu i wokim.

Mista Naru i tokim ol pipel bilong Gaire olsem ol i mas bringim bek ol dispela pasin kastom samting we i save stap na pas tru wantaim Hiri Tred namel long ol pipel bilong Sentral

na Galp provins.

Long stori bilong Hiri Tred long bipo, ol tumbuna bilong ol Sentral pipel i save yusim ol bikpela kanu o lagatoi na seil long solwara i go long Galp provins long tred wantaim ol pipel long hap. Na bikpela samting em ol Sentral pipel i save bringim i go olsem long Galp provins em graun pot (clay pot). Taim ol i bringim dispela i go ol Galp pipel i save givim ol saksak long karim i go bek long Sentral.

Mista Naru i tokim ol lida bilong Gaire viles olsem ol i mas bringim bek dispela kalsa na lainim ol yangpela manmeri long wokim graun pot. Dispela em bikos sapos ol yangpela manmeri i no lainim dispela skul bilong wokim graun pot, dispela pasin tumbuna bilong bipo bail us olgeta.

Moa long en tu, ol pasin na rot bilong paitim saksak i mas tap ples klia long ol yangpela i mas lukim na lainim.

Em i tok long nau yet Hiri Moala i wok long soim tasol dispela ol pasin olsem lagatoi, Hiri Hanenamo Kwin na bilas. Tasol bikpela samting e mol i mas soim tru dispela pasin kalsa we i pas wantaim stori bilong wokim graun pot na tu paitim saksak.



Pablik Notis

SUPARENUESEN KONTRIBUSEN BILONG OL KESUAL WOKMANMERI

Sapos yu wampela kesual o ansileri staf o wokmanmeri i holim dispela wok moa long tripela mun na yu stap long peirol moa long tripela mun, aninit long Lo, yu mas givim kontribusen i go long Suparenuesen bilong bihain taim bilong yu.

Lo bilong Suparenuesen i karamapim olgeta wok bisnis we i gat moa long 15 wokmanmeri, na olgeta wokmanmeri i mas kontribut long wampela Suparenuesen Fan bihain long ol i wok tripela mun na i go het, maski ol i kesual, o ansilari wokman. Dispela em wampela luksave mak tasol.

Sapos yu wok moa long tripela mun olsem wampela pemanen, kesual o ansilari wokmanmeri, tasol i no wok kontribut long seavings bilong yu, yu mas kwiktaim toksave long Human Risos o Peirol opisa bilong yu long stat kontribut i go long Nambawan Super Limited. (Tingim olsem long olgeta wan kina yu kontribut, kampani i mas givim K1.40 long makim yu). Olsem, ol kontribusen; em bisnis/kampani bai peim 8.4% na ol wokmanmeri bai peim 6%. Mipela i laik tokim ol bisnis/kampani husat i gat aninit long 15-pela wokmanmeri long kontribut i kam long Nambawan Super Limited. Sapos yu (bisnis/kampani) i no bihainim dispela Suparenuesen Lo, bai i gat penalti na yu ken kamap long kot.

Tok orait i kam long

Leon Buskens
Menesing Dairekta

Long kisim moa toksave, yu ken ringim ol dispela lain:

HEAD QUARTERS Ground Floor, Era Rumana P.O. Box 483, Port Moresby National Capital District Ph: 309 5311 Fax: 321 4406 Email: nspcm@nambawansuper.com.pg	MOMASE REGION - LAE Ground Floor, Vele Rumana PO Box 1289, Lae, Morobe Province Ph: 472 2272 Fax: 472 4536 Email: nslae@nambawansuper.com.pg	HIGHLANDS REGION - MT HAGEN Suite 1, Ground Floor, Capina Building, PO Box 1574, Mt Hagen, Western Highlands Province Ph: 542 1182 Fax: 542 1186 Email: nshagen@nambawansuper.com.pg	NEW GUINEA ISLANDS REGION - KOKOPO Sec 6 Lot 19, Togigira Street, Kokopo PO Box 606, Kokopo, East New Britain Province Ph: 982 8900 Fax: 982 8901 Email: nstrabou@nambawansuper.com.pg	Nambawan Super Goroka Suite 32, Level 1, Gouna Centre, Elizabeth Street P O Box 757, Goroka, Eastern Highlands Province Ph: 532 1224 Fax: 532 1918 Email: nsgoroka@nambawansuper.com.pg	Nambawan Super Alotau Ground Level, Chescorp Building, Sec 21 Lot 10 P O Box 727, Alotau, Milne Bay Province Ph: 641 0671 Fax: 641 0587 Email: nshalotau@nambawansuper.com.pg	Nambawan Super Buka Suite 2, Level 1, Matanhei Building P O Box 19, Buka, Autonomous Region Bougainville Ph: 973 9801 Fax: 973 982 Email: nshbuka@nambawansuper.com.pg	Nambawan Super Madang Suite 14, Level 1, Beckslea Plaza P O Box 142, Madang Madang Province Ph: 422 0244 Fax: 422 0255 Email: nsmadang@nambawansuper.com.pg	Nambawan Super Kavieng Ground Floor, Durima Building P O Box 567, Kavieng New Ireland Province Ph: 984 2611 Fax: 984 2612 Email: nshkavieng@nambawansuper.com.pg	Nambawan Super Kimbe Level 1, Hamamas Trading Building, P O Box 593, Kimbe West New Britain Ph: 983 5450 Fax: 983 5101 Email: nshkimbe@nambawansuper.com.pg
--	---	---	---	---	---	--	---	--	---



Program bilong Wanwan De

Mande - Fraide

6am - 10am - Sankamap show - Host: KAS.T
6:15am - Komuniti Notis Bod
6:30am - Nius Hetlains / Bondei grittings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapolim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Stori b'long Skelim Tingting
8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - Trukai Rais - GES FAIA KOMPETISEN

9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde / Fonde) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta

3:10pm - Avinun cruz
4:00pm - Nius - YUMIFM Senta
4:10pm - "FOAPELA KAM GUD LONG 4"
4:30pm - Nius Hetlains
4:45pm - YUMI PANIM WOK Segment
5:00pm - MAJOR NIUS BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR NIUS BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz (ol lain brukim tulait shift)
- Miusik / Request / Tok pilai
- Kipim Kampani long ol nait shift.

Weekend Shift - Saturday & Sunday
6:00am - 11:00am - Wiken Sanrais
6:30am - Komuniti Notis Bod - Bondei grittings
7am - 9am - Wiken Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)

YUMIFM POROMAN TEAM:
Turner (KAS.T) Arifeae - Team Leader / Program Director
Angra KENNEDY - Senior Announcer
Sinimil (Vaviessie) Philipo - Promotions Co ordinator
Papa Raegs - Anouncer Nenge Neings - Announcer
Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karen Afeacs
8PM Helt
8:15PM Musik
8:30PM NIUS
8:40PM Spots Riplei
8:55PM Musik
9PM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karen Afeacs
8PM Mama Graun
8:15PM Musik/Spots
8:30PM NIUS
8:40PM Helt Riplei
8:55PM Musik
9PM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karen Afeacs
8PM Focus
8:15PM Musik/Spots
8:30PM NIUS
8:40PM Mama Graun Riplei
8:55PM Musik
9PM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karen Afeacs
8PM Youth
8:15PM Musik/Spots
8:30PM NIUS
8:40PM Focus Riplei
8:55PM Musik
9PM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karen Afeacs
8PM Wantok
8:15PM Musik
8:30PM NIUS
8:40PM Youth Riplei
8:55PM Musik
9PM Stesen Pas

SARERE - Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius
7:40PM Wantok
8PM Lokal Ben
8:30PM Nius
8:40PM Musik/Chit Chat
9PM Stesen Pas
SANDE - Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius
7:40PM Femili Blong Serah (Redio Plei)
8PM Lukluk Bek Long Wik
8:30PM Nius
8:40PM Musik/Chit Chat
9PM Stesen Pas

Raun wantaim Wantok kru...
Masin na komputa gem i senisim pasin bilong ol pikinini

Nicky Bernard i raitim

Planti bilong ol liklik stoa o takaboks i ol masin bilong pilai, ol liklik mangi o meri save go na putim 40t na ol bai pilai inap pawa bilong 40t bilong ol pinis ol bai stop o taim ol aut bai ol putim narapela 40t.
Dispela masin gem i kam bikpela long het bilong pikinini, olsem tu ol komputa gem, long sait bilong masin gem, bai yu putim 40t na bai yu pilai long wnem gem yu laikim, tasol taim pawa bilong 40t pinis bai yu mas painim nara-

pela 40t long pilai gen.
Long sait bilong komputa, yu ken pilai na pilai, tasol taim unit bilong pawa pinis bai yu kisim taim long painim K10 long baim unit bilong pawa.
Dispela tupela pilai o gem long masin na komputa i stat long senis tingting na pasin bilong pikinini bilong nau, taim yu givim ol pikinini long mani bilong baim kaikai long skul bai ol baim kaikai we bai gat senis olsem 40t bai mas kam bek na dispela em bilong masin taim ol pinis skul long avinun.
Ol pikinini we ol laki na gat komputa long haus, bai yu lukim olsem ol laik go ariap long haus long wanem tingting bilong stap pinis long komputa, i tru olsem komputa i gut pela

long pikinini tasol planti taim ol save westim long pilai tasol.
Long masin long ol takaboks bai yu lukim planti pikinini bai bung na pilai, sampela ol bai sanap nating na was long poro bilong ol pilai, tingting bilong ol tu laik pilai tasol 40t em bikpela liklik long ol, olsem na sampela papamama save painim lus koins bilong ol i no stap long bilum na poket bilong ol, dispela ol lus koins i go pinis long masin.
Tingting na save nau i stap long yumi papamama, long toksave long ol pikinini bilong yumi husat save go tromoi 40t long masin long tok klia long ol long wanem em gutpela long masin na wanem em nogut long mansin.

93.1FM YUMIFM National Weekly Hit Parade:
Sponsor: Digicel - bigger, better network.
Produced & Host by: Kas.T
Statistics: Talaigu Sophie & Poroman Crew
Week Ending: Saturday - 11th August 2010
Table with columns: Week Before, Last Week, This Week, Charting Song, Artist



Liklik boi i pilaim masin gem.

EMTV Television Guide

Table with columns for time slots (e.g., 4.59AM, 5.00AM, 5.30AM) and program titles (e.g., STATION OPEN, JOYCE MEYER, EMTV PRIME TIME LINEUP, CLASSROOM BROADCAST).

TORO



BIABIA



KANAGE



TOKWIN

Kapris nem pairap long Madang

Planti lain long Madang taun i wok long guria stret long go lukim bik nem stilman William Kapris Nanua i kamap long kot. Sampela i save go long moning yet long go insait long kot haus, tasol sekuriti tu em tait na planti i no save gat sans long go insait.

Stik sot long Kiriwina Ailan

Sampela ripot i kamaut olsem namba bilong diwai i sot tru nau

long Kiriwina Ailan long Milen Be provins. Dispela em bikos ol dispela lain Trobriand manmeri i save katim planti diwai tumas long sanapim long sapotim yam bilong ol long gaden. Yes, yam tasol mekim na diwai i go sot na sampela i tok long go painim diwai long Goode-nough Ailan. Tasol ol lain long nara-pela ailan ya i no laikim.

Lae pulap long stilman

Lae siti i gat planti stilman na hambak lain tru i pulap long hap. Planti ol dispela lain i no gat rispek long lo. Las wik paia i kukim stua long Eriku na planti lain tru i yusim dispela long go na stilim ol samting in-

sait long stua. Ol polis nogat inap strong long stopim ol. Ol sampela praivet sekuriti lain tu i stilim ol samting long stua.

Kopi sisen helpim tru Hailans manmeri

Planti manmeri long Goroka, Kainantu, Kundiawa na Mt Hagen i smail na amamas tru long kopi sisen long dispela yia bikos prais i gut-pela tru na ol i kisim gutpela mani. Yes, planti stua lain i amamas bikos ol pipel i gat moa mani long baim ol kaikai long stua na tu taun i pulap stret long ol rurel pipel i go baim ol samting bilong ol.

Tokwin...

Grid of letters for a word search puzzle.

Painim ol dispela kaikai bilong solwara:

Table listing animal names: TALAI, NILPIS, TAUR, DOLPIN, UMBEN, KINDAM, GAM, ATUN, KUKA, DUGONG, FLATPIS, SOPIS, PISLAMA, KRAMSEL, KINDAM, MALEO, KATU, KARUA, KINA, BIKMAUS, TAUKA, PIS, TANGIR, KURITA.

6x6 grid for a Sudoku puzzle.

9x9 grid for a Sudoku puzzle.

Ansa bilong las wik Sudoku

Ansa bilong las wik Pasol

Word search grid with words like PULIMBALO, WSTIK, N, I, BOLI, E, T, B, A, FRIHIT, BEKS, SEA, K, K, K, L, H, I, O, I, P, I, T, S, T, P, I, K, L, F, L, I, K, K, W, A, N, I, T, I, U, G, P, L, L, P, T, B, A, A, O, A, E, N, K, K, E, A, I, N, A, O, F, S, A, I, T, P, T.

EMTV Television Guide

Large table listing television programs and their broadcast times for Australia Network, Trinde, and Enga Provincial CA.

REERS EXPO 2010 An Engan Provincial Government special presentation on the eve of PNG's anniversary. An initiative of the Enga Provincial Government, to bring together all tertiary institutions as well as private companies to showcase what they can offer to students and for them to make informed choices later in life.

Stars: George Clooney, Brad Pitt, Julia Roberts, Andy Garcia, Bernie Mac, Catherine Zeta-Jones, Matt Damon and Casey Affleck. 11.00PM G NATIONAL EMTV NEWS REPLAY 11.30PM AUSTRALIA NETWORK

Raun wantaim Kanage olgeta wik



NEM: Chris Sahakel
KRISMAS: 20 (man)
ADRES: C/- Jack Sahakel, P.O Box 1331, Lae, Morobe Province
SAVE LAIKIM: Pilai soka, ritim pepa, harim musik, raitim pas na mekim pren

NEM: Sarah Boninge
KRISMAS: 17 (meri)
ADRES: P.O Box 298, Maprik, East Sepik Province
SAVE LAIKIM: Pilai softbol, go lotu, harim musik, mekim pren na ritim buk.

NEM: Joycelyn Jacob
KRISMAS: 16 (meri)
ADRES: P.O Box 371, Wewak, East Sepik Province
SAVE LAIKIM: Harim musik, stori na raitim pas

NEM: Constance Yambu
KRISMAS: 16 (man)
ADRES: Brandi Secondary School, P.O Box 180, Wewak, East Sepik Province
SAVE LAIKIM: Pilai spot, ritim buk, na go lotu

NEM: Kilopas Tita
KRISMAS: 18 (man)
ADRES: Erap Primary School, P.O Box 4692, Lae, Morobe Province
SAVE LAIKIM: Pilai spot, volibol, harim musik na mekim pren

NEM: Soulist R
KRISMAS: 24 (man)
ADRES: C/- Barry Maurice, P.O Box 1391, Madang 511, Madang Province
SAVE LAIKIM: Harim musik, pilai soka, go long skul, go long lotu, mekim pren, raitim pas na raun raun

NEM: Hillary Malelei
KRISMAS: 17 (man)
ADRES: Bialla High School, P.O Box 62, Bialla, West New Britain
SAVE LAIKIM: Harim musik, lukim TV, mekim pani

NEM: Sivenny Kelly
KRISMAS: 18 (meri)
ADRES: Notre Dame Secondary School, P.O Box 164, Mt Hagen
SAVE LAIKIM: Pilai basketbol, mekim pani, na raitim pas

NEM: Sylvia Nikints
KRISMAS: 19 (meri)
ADRES: Notre Dame Secondary School, P.O Box 164, Mt Hagen
SAVE LAIKIM: Pilai basketbol, mekim pani, ritim buk, go lotu, na mekim wok

NEM: Kellen Waset
KRISMAS: 22 (man)
ADRES: P.O Box 28, Diwai Post Office Madang
SAVE: Ritim buk, pila gita, basketbol, mekim gaden, na raitim pas

Tripela pans
 Kanage em bilong Kaiti Yango long Laiagam, Enga provins. Kanage i gat wanpela poroman, Wakop. Tupela i poro longpela taim tru. Ol i stap go na tupela wantaim maritim tupela meri long ples. I no longtaim na meri bilong Wakop karim wanpela pikinini man na bihain wanpela pikinini meri. Kanage lukim dispela na em tingting planti, "Long wanem na meri bilong brata bilong mi karim tupela pikinini hariap tru na meri bilong mi nogat?" Em nau Kanage go long lukim Wakop na tokim em, "Mi bai rausim meri bilong mi. Meri bilong yu karim tupela pikinini na meri bilong mi i no inap karim pikinini bilong mi." Wakop tokim em, "Yu save wanem? Mi bin givim dapol pans long meri bilong mi na em karim tupela pikinini bilong mi hariap tru. Sapos mi bin givim tripela pans, em bai karim tripela pikinini." Kanage tokim poro bilong em, "Mi laik givim tripela pans long meri bilong mi long karim tripela pikinini. Bai mi givim tripela pans osem wanem?" Poro bilong em isi tasol tokim em, "Yu go long meri bilong yu na givim long ol rot we mi bai tokim yu." Wakop tokim Kanage pinis na Kanage siksti go long haus. Kanage go long meri bilong em na laik givim tripela pans na meri bilong em bikmaus, "Husat tokim yu osem?" Meri ya kisim wanpela hap palang na paitim Kanage.

Boni Pakamu Kaiti Yango



Holim strong
 Kanage em bilong Watom ailan long Is Nu Briten provins. Wanpela taim, ol bikman long ples askim Kanage long go wantaim ol long Rabaul taun. Ol kisim moto kam long ples Vunavulile na go sanap long rot wetim kar stap. Wanpela waitman draiv kam na ol stopim em. Waitman askim ol, "Where are guys going?" Nara-pela yangpela mangi tokim em ol laik go long Rabaul taun. Kwan, waitman tokim ol long kalap. Yangpela mangi tokim ol biklain long kalap na em yet bai sindaun long fran long wanem em save long Tok Inglis. Tasol nogat. Kanage tokim em long sindaun wantaim ol lapun long baksait. Kanage kalap long fran na ol ron go. Ol ron go abrusim Vuvu na ren pundaun. Waitman ya tokim Kanage, "Please, wind up your window." Kanage kirap singaut go long ol lain long baksait, "Ol lain, waitman tok osem holim strong!" Ol ron go long kona bilong Nonga Haus Sik na waitman ya askim Kanage gen, "Please, wind up your window." Nogat. Kanage kirap singaut gen long ol lain long baksait, "Aiya, yupela holim strong." Ol ron go na waitman ya belhat long wanem ren wasim insait bilong kar. Em singaut long Kanage, "Wind up your window now!" Tasol nogat. Long-

long Kanage singaut long ol lapun long baksait, "Waitman tok kalap go ausait nau tasol." Kanage tasol mekim na olgeta lapun kalap na kisim bagarap long ol as bilong ol banana.
Mambu Wantok Bilong Yu Yet

San na mun
 Kanage wantaim poroman bilong em Orike pilai snuka long haus bilong Kanage. Sampela meri Kerema go long haus bilong Kanage long kisim wara long paip wara bilong Kanage long wanem ol nogat wara long hap bilong ol. Orike lukim ol meri Kerema wokabout go arere long haus na em giaman na tokim Kanage, "Aiyo, perendo! Bikpela kus stret pas long trausis bilong yu ya!" Kanage paul olgeta na hariap tru rausim trausis bilong em. Ol meri Kerema lukim Kanage sanap as nating na wanpela bilong ol tok, "Aiyo, san tasol bikpela mun kam aut." Kanage harim osem na bekim, "Sapos mun i sain long ai bilong yu, yu bai tingting na pilim osem yu stap long mun ya." Meri ya harim bekim bilong Kanage na em tok, "Ating mun ya i mas i gat strongpela lait bilong paulim tingting bilong man gen ya."
Wopa Mote Mosbi

Sempu?
 Wanpela pikinini boi bilong Kanage givim trausis bilong em long anti bilong em long wasim. Tasol boi ya lus tingting osem i gat wanpela kondom i stap insait long wanpela poket bilong trausis. Anti bilong em wasim ol klos

go na em pilim wanpela samting stap insait long wanpela trausis. Anti ya sekim na lukim wanpela kondom. Em i no toktok na isi tasol haitim kondom ya. Pikinini man raun go na em tingim kondom. Em siksti go long haus na lukluk insait long masin bilong klos. Anti bilong em lukim em na askim em sapos em kondom bilong em. Pikinini ya i no bekim askim bilong anti bilong em. Long apinun na misis bilong Kanage pinis wok na kam long haus. Anti ya tokim em long dispela kondom. Em nau misis bilong Kanage lukim pikinini bilong em pilai kas stap wantaim ol lain. Mama bilong em tok, "Kain bilong ol ya! Save karim sempu bilong Kanage raun na mekim wok long nait na i no save kirap hariap long moning long opim stua." Taim ol lain harim misis Kanage i tok "sempu bilong Kanage" long kondom, olgeta i wokim hapkas lap ol Sepik i save kolim 'singaut lap'.

Kanage Kave

Ol skwat!
 Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Email: atolire@wantok.com.pg
 Bai yu i gat sans long winim "Raitman Kanage" t-siot!

Mi save bihainim ol wanwok long dring raun tasol mi laik senisim pasin. Inap Laiplain i helpim mi?

Dia Laiplain

LONG potnait bilong mi, ol wantok i singautim mi long go wantaim ol long hotel. Ol i tok long mipela bai dring sampela bia na bihain bai mipela i go lukim ol video muvi piksa.

Tasol bihain long ol i dring sampela bia pinis, nogat wanpela long ol i laik go lukim muvi. Nogat. Sampela taim, ol i stap dring inap hotel i pas. Na sampela taim, ol bai go long haus bilong narapela poroman na skruim dring i go moa yet. Osem wanem na mi ken stretim dispela wari bilong mi? Mi pret sapos mi no go dring wantaim ol, bai mi lusim ol pren bilong mi.

Dia Pren
 YUMI olgeta i laik pren wantaim ol narapela pipel. Yumi belgut sapos ol i laikim yumi. Osem na planti taim, yumi save mekim samting yumi no laikim bikos yumi laik amamasim ol narapela lain.
 Em i gutpela samting long mekim ol samting long helpim ol pren. Tasol em i no gutpela samting sapos yumi mas mekim rong o pasin i nogut bi-



long amamasim ol pren.
 Sori tumas, i gat planti pipel tumas long PNG i bagarap long strongpela dring. Tasol sori moa yet long ol dispela pipel i dring long amamasim ol pren.
 Yu tok osem olgeta wanwok i save go long hotel. Em i tru? Ating i gat planti osem yu husat i no laik go tasol i nogat strong long tok nogat.
 Planti taim, wanpela o tupela lida tasol i save pulim ol man na ol i go. Na i no long laik bilong ol yet, nogat. Ating sampela woklain bilong yu tu i laik go lukim muvi. Wanwan man i ting osem olgeta man i laik go dring. I nogat man i gat strong long sanap na tok narakain. Nogat. ol pren i no laik harim dispela kain tok.
 Wanpela we long abrusim dispela kain tok em hia. Yu yet i sanap toktok strong osem wanpela lida. Long neks potnait, yu sanap na yu toktok strong osem. "Maski long go long hotel tunait. Mi laik lukim piksa. Husat i laik kam wantaim

mi." Ating bai yu lukim planti pren bilong yu bai go poromanim yu.
 Tasol sapos nogat wanpela i laik go wantaim yu, maski, yu go yu yet. Maski ol i lap. Bihain long sampela de, yu ken gris wantaim ol long gutpela muvi yu bin lukim na yu bin amamas tru. Neks taim, ating tupela o tripela i laik go wantaim yu na traim.
 Na sapos yu traim traim na i nogat wanpela man i laik go poromanim yu, orait, maski. Yu tingting nau....Tingting gut. Ating moabeta yu painim sampela pren i laik long woksop bilong yu, orait, yu go joinim sampela grup long YC o long sios o long spot klab.
 Sapos yu stap insait pinis long wanpela osem na ol wanwok i singautim yu gen long go long hotel, yu ken tokim ol osem," Sori pren, mi noken. Ol pren bilong mi long hap sait i wetim mi."
 Mi noken promisim yu, bai yu no lusim sampela pren na wanwok. Tasol maski... sapos oltaim ol i pulim yu long mekim ol kain samting yu no laik mekim, moabeta yu painim sampela narapela kain pren. Gutpela pren i save helpim yu.

Mi Laiplain

Sapos yu gat wari, rait i kam long Life-line, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain

Don Bosco kisim helpim long Ela Motos

ELA Motos long dispela wik i givim Foa Wil Draiv (4WD) ka i go long Don Bosco Kolis long Mosbi.

Dispela ka i bilong helpim ol sumatin long kolis long lainim wok mekanik long kain ka olsem we i gat V6 enjin na llektronik Viekel Menesmen sistem.

"Long ol yia i kam mipela i wok long kisim planti ol aprentis sumatin bilong mipela i kam long Don Bosco Teknikol Kolis."

"Mipela i amamas long wok ol i save kamapim."

"Na em i tingting bilong kampani long helpim ol bai

ol i ken lain moa na kamapim ol gutpela wok," Ray Connolly, Ela Motos Rijinel Menesa i tok.

Wantaim kamap bilong kainkain enjin givim bilong dispela ka bai helpim ol sumatin long lainim ol nupela samting.

Ela Motos i bin stat wok long 46 krismas na i save salim ol ka bilong Toyota, Hino, Yamaha, Daihatsu, Massey Ferguson na Renault.

Kampani i kisim 870 manmeri long wok long em na kampani i gat 16 opis long kantri we em i stap long salim ol ka.



AMAMAS: Long taim bilong givim ka long Ela Motos Sorum long Badili em (l-r) John Vella-cott Bisnis Developmen Menesa Ela Motos, Ray Connolly Rijinel Menesa Ela Motos, Pater Dominic Kachira, Don Bosco Kolis na Camillus Boagege, Don Bosco Kolis Automotiv Teknikol Instraksa.

Toksave bilong BSP Bod

LONG bekim ol toktok i kamap long nius long las wik Bod bilong BSP i kisim dispela taim long bekim ol.

Bod i bung wantaim na i sapotim wok em Menesing Dairekta na Sif Eksekutiv Opisa Ian B Clyne; Robin Fleming, Deputi Sif Eksekutiv Opisa na Sif Risk Opisa; na John Maddison, Sina Lo Opisa i mekim.

Wok ol i mekim i namba wan wok na nius i kamap long ol i no mekim olsem i no tru.

Ol tok na nius i kamap long publik i no stret na abrusim tok tru.

Aninit long lukaut bilong Mista Clyne, BSP i lukim planti nupela senis moa long sevis em i givim long ol kastoma na i nogat wampela man inap tok nogat long em.

Wampela bilong dispela em long kisim i go long ol ruelles benking sevis.

Narapela em long mekim bikpela BSP na dispela em i kamapim ol sevis long

Solomon Ailan, Niue na Fiji.

Clyne i kamapim tu ol "Komyuniti Progem" we BSP i stretim o strongim wok bilong ol arapela ejensi olsem helt, edukesen o polis long stretim hausik, klasrum o polis stesen.

Em i kamapim tu "Go Grin" progem na Komyuniti Klinap progem we bai stat long Septemba 17 na 18.

Bod i amamas olsem hevi namel long ol wokmanmeri na menesmen nau i stret na olsem wok i ron gut na sevis i go long ol manmeri gen.

BSP na Benkas Yunion oltaim i save gat gutpela wok-bung namel long ol yet we Bod i amamas long tupela i sindaun na stretim belhevi i stap long ol wokmanmeri.

I gutpela long lukim tu long ol i no kisim helpim long ausait long stretim hevi bilong ol.

Em i mas klia olsem 60 pesen long 2,300 wokmanmeri, ol Atometik Teling Masin (ATMs) na Kundu Pe maski hevi kamap i no bagarapim

kamap bilong dispela ol sevis.

Sori olsem sevis bilong sampela ol brens i go daun.

BSP Bod i tok sori sapos sampela kostoma i painim hevi long sevis long dispela taim tasol i amamas long save na sapot em ol kastoma i givim.

Holim pas gen bilong Robin Fleming na John Maddison i bagarapim gutpela nem em tupelo opisa na benki i save mekim.

Holim pas bilong bipo BSP Menesing Dairekta Garth Mcllwain long wankain as i no gutpela nius long benki tu.

Bod i tok Mista Mcllwain i kisim bikpela sapot long benki, long menesmen, wokmanmeri na bod yet.

Nau yet Mcllwain i holim wok long planti arapela oganaisesen na em i gat save long mekim dispela ol kain wok long 42 krismas em i stap long kantri.

BSP i sapotim wok bilong Bisnis Agensim Korapse Alaiens (BACA) na i askim ol

Gavman na Komyuniti long ol i mas stretim na strongim Polis na Judisel Sistems.

Polis na Judisel Sistem we olgeta gutpela tok i stap bilong lainim i gutpela long kamap bilong Polis na Judisel Sistem.

Na i gat fea sistem bilong skelim tok long komyuniti.

BSP i bilip tok bilong Lo bai stap.

BSP i tingting long strongim gutpela stap bilong PNG na Pasifik.



SMS Banking Digicel Top Up.

To apply, you'll need

1. Your Kundu Card
2. Your BSP Account Number + details
3. Mobile phone number
4. Names + BSP Account Numbers for deposits to other BSP account holders
5. Fill in an Application Form today

Love your bank
www.bsp.com.pg

PNG's Bigger, Better Network

Liklik rais fama kisim helpim

Soldier Buruka (DAL) i raitim

WANPELA liklik rais faming grup long Hote ples long Salamaua, Morobe Provins i kisim gutpela helpim long kamapim rais bilong ol yet.

Dispela helpim i kamap taim Francis Daink, Deputi Seketari bilong Agrikalsa na Laipstok (DAL) i givim rais masin long ol.

Tony Ase, Edministreta bilong Huon Gulf i makim Hote grup long kisim dispela masin long Fonde 24 Ogas, 2010.

Long ol ripot i kam long siaman bilong grup, George Mohoi, husat i tok Hote ples i bin stat groim rais long 2007.

Long ol dispela taim ol i save wokabout long longpela hap long kamapim rais bilong ol.

Ol i save wokabout i go long Salamaua stesin, kisim bot i go long Lae na bihain go long Taiwan Teknikol Miccion mil long Bubia stesin na bihain kisim rais na i go bek long ples bilong ol. Dispela i bikipela hatwok. Tasol kamap bilong masin i sotim dispela hevi.

Pastaim long dispela masin i go tupela mausman bilong Hote faming grup i bin kisim trening long yusim dispela masin long Erap long 2009.

Bihainim dispela DAL i luksave long kain opisa we Daink i givim rais masin long ol.

I gat sampela tok i stap long Memorandum bilong Agriment (MoA) we ol lokol fama na

DAL bai lukim dispela masin i wok.

Long MoA tok i stap olsem lokol grup i mas givim ripot long wan wan mun long ol kain wok ol i mekim long yusim masin na long trening ol i givim long ol manmeri long ples long yusim masin.

TCP aninit long FAO i givim dispela rais mil long grup. Na givim bilong masin i bihainim progrem bilong Inisitiv bilong Bikipela Prais bilong ol Kaikai (ISFP) na TCP/PNG/ 3201 (E).

As tingting bilong projek em long givim helpim long ol manmeri long ol i kamapim inap kaikai bilong ol.

Aninit long dispela progrem FAO wantaim givim bilong masin i save givim tu sid bilong ol kaikai long ol liklik fama long groim.

Dispela em long redim ol manmeri long taim nogut.

FAO i tok dispela i no namba wan taim ol i givi kain helpim i go long wnapela iklik grup.

Ol i givim wankain masin tu long ol meri long Foe, Kutubu long Sauten Hailans Provins. Na wantaim long dispela masin ol i kisim tu 500 kilogrem bilong TCS 10 rais sid.

NARI na Misis Maria Linibi husat i go pas long Wimen in Agrikalsa Dvelopmen Faundesin (WiADA).

DAL i wokbung wantaim tu long Oil Search long mekim ol wok agrikalsa.

DAL i tok inap olsem 18000 fama bai kisim helpim long dispela projek.



TRAIM PASTAIM: Ol opisa bilong DAL na Farnset Ltd i traim rais masin long Lae bipo em i go aut.

PNG LNG sapatim meri fama long go long Australia

Seniorl Anzu i raitim

OL fama long rurel ples long Papua Niugini i kisim gutpela sapat long Esso Hailans Limited, kampani i mekim ges wok long PNG Likuifaid Neturel Ges (LNG) Projek long las wik.

Dispela helpim i kamap long mani mak bilong K15,000 taim kampani i givim sek i go long Wimen in Agrikalsa Dvelopmen Faundesin (WiADA)

Kampani i givim mani long helpim Faundesin i holim enuel kibung bilong em na toktok wantaim ol mausmeri bilong Australian Wimen long Agrikalsa (AWiA) na Wimen's Industri Netwok Sifud Komyuniti long tumora Fraide 10 i go long 12 Septemba long Darwin, Noten Teritori, Australia.

Inap olsem 16 mausmeri bilong ol fama



GUTPELA SAPOT: Esso Hailans Pablik na Gavman Afeas Edvaisa, Rozalia Boyd (lep han), i givim K15, 000 piksa sek mani bilong i go long PNGWiADF Eksekutyutiv Kwina Ambang na ol fama long Morobe.

wantaim ol memba bilong PNGWiADF i lusim kantri long aste Trinde.

Bikipela toktok long kamap long dispela tripela de kibung em long promotim na save gut long bikipela laik bilong rurel meri long wok bilong agrikalsa, forestry na piseris.

Long taim bilong givim mani long las wik long Lae, Mis Boyd, i tok LNG projek i ama-

mas long sapatim ol tingtng bilong WiADF long wok developmen.

Mis Boyd i tok WiADF i kamapim netwok namel long ol meri we planti bilong ol i bilong rurel ples.

Kain helpim bai helpim gut ol meri long ples.

Long bekim PNGWiADF eksekutyutiv Kwina Ambang i tok tenk yu long sapat bilong Esso Hailans Limited.

Em i tok long olgeta de ol meri long ples i save mekim ol bikipela wok long sapatim famili bilong ol.

Kain helpim bai helpim ol meri long lainim ol nupela rot bilong kamapim kaikai na helpim famili bilong ol.

Kibung long Darwin bai lukim ol meri i soim kain kaikai ol save groim hia long PNG.

DAL kolis kamapim agrikalsa trening

Soldier Buruka (DAL) i raitim

YU laik lukluk bek long ol samting yu lainim long wok didiman na kisim ol save?

Yu bin wok didiman na i gat save long wok long sampela ol yia?

Na yu wanela bipo sumatin bilong kolis na nau i painim rot long kisim nupela save?

Ples bilong kisim ansa bilong ol dispela askim i stap long Hailans Agrikalsa Kolis em Dipatmen bilong Agrikalsa na Laipstok (DAL) i save menesim na ronim long Mt Hagen, Westen Hailans Provins.

Dispela i wanela bikipela kolis we ol fama i ken go na kisim skul long em.

Kolis i tokaut long ol skul (kos) em bai kamapim long 2011 em:

- POS Setifiket Diploma (PCD) em kos long

- SETIFIKET long Agrikalsa long Faming (CAF) bilong yia wan (1) na yia tu (2);
- AGRIBISNIS Menesmen (ABM);
- SETIFIKET Operesinel Skills (OS) na
- SETIFIKET long Menesmen Skills (MS).

HAC Ekting Prinsipel Phillip Senat i tok aplikesen bilong enrolmen na i op na bai pas long Oktoba 4.

Em i tok PCD, CAF na OS kos bai stat long Jenuari 31, 2011 na MS kos bai stat long Ogas 28, 2011.

Mista Senat i tok 20 apliken tasol em ol bai kisim long PCD long 2011.

Husat ol bai kisim em ol manmeri husat em ol bipo setifiket greduet bilong HAC. Inap olsem 45 apliken em kolis bai kisim long CAF bilong yia 1 na ol i mas pinisim gred 10 o 12 na nau ol i mekim wok

bilong ol yet. Inap olsem 35 manmeri kolis bai kisim long mekim yia 2 we ol i kisim pinis skul bilong mekim wok didiman.

Long ABM em ol bipo sumatin bilong Plentesen Menesmen Treening Progrem (PMTP).

As tingting bilong dispela skul i lukluk long kamapim ol gutpela save-manmeri bilong strongim plentesen sekta we sapos ol i bikipela o liklik plentesen.

I gat ples bilong kisim tasol 20 apliken bilong Skul bilong Operesinel kos we ol apliken i mas pinisim gred 10 o 12.

Skul bilong kamap menesa bai laikim ol sumtin husat i pinisim gred 10 o 12.

Long save moa manmeri i ken kisim tok long dispela ol telepon namba 75982419/71357856/75982471/72874916/5422411 or fax 5421641.



NOGAT ROT: Wanpela fowet bilong Brothers i traim hat long brukim banis bilong Paga Panthers long Mosbi ragbi lig salens bilong ol las wik Sande.
PHOTO: Nicky Bernard.

TANIM: Senta bilong Sparrows i abrusim han bilong Paramana pilaia long primia divisen gem bilong ol long Ogas 28 long Rita Flynn kot long Mosbi.
POTO: Andrew Molen.

MAKIM: Wanpela pilaia i redi long sutim bal long insait long Media skua resis long Lamana Hotel las wik Sarere, Dispela resis i kamap klostu long fainol nau.

POTO: Nicky Bernard.

HOLIM EM: Pilaia bilong Defence i traim long stopim winga bilong University Piggies long A Gred semi fainol gem bilong ol long Mosbi ragbi yunion salens. Uni bin win na bai stap insait long gren fainol dispela Sarere agensim harlequins.

Ol tim redi long fainols resis

NRL bai statim namba wan wik bilong ol fainols resis bilong en na 8-pela top tim insait long kompetisen i redim ol pinis long bung dispela wiken.

Long Fraide bai Gold Coast Titans i bungim New Zealand Warriors, tupela gem long Sarere bai Wests Tigers i skelim wantaim Sydney Roosters na Penrith Panthers wantaim Canberra Raiders na long Sande bai paia i lait namel long St George Illawarra Dragons na Manly Warringah Sea Eagles.

Planti bilip ol Dragons em tim we bai go moa yet na winim taitol dispela yia tasol ol i nogat gutpela rekot bi-

long pilai insait long ol fainols resis olsem na ol arapela tim bai strong yet.

Roosters, Sea Eagles na Panthers i kamapim strongpela pilai dispela yia tasol ol Titans na New Zealand Warriors i wok long strong long traim na lukim namba wan semi fainols na gren fainol bilong ol.

Ol Raiders i no lukim fainols longpela taim tu na ol i gat sans long go moa yet sapos ol i daunim ol Panthers.

Ol Tigers i gat wankain hangre tasol ol i mas strong na pasim gut ol Roosters.

Fact File:

Ol tim bilong dispela wik em;

Fraide.

Gold Coast Titans: Preston Campbell, Kevin Gordon, Steve Michaels, Clinton Toopi, William Zillman, Mat Rogers, Scott Prince, Luke Bailey, Nathan Friend, Anthony Laffranchi, Greg Bird, Mark Minichiello, Ashley Harrison.

Intasenis: Michael Henderson, Brad Meyers, Matthew White, Bodene Thompson, Luke O'Dwyer, Jordan Atkins.

New Zealand Warriors: Lance Hohaia, Kevin Locke, Brent Tate, Jerome Ropati, Manu Vatuvei, James Maloney, Brett Seymour, Sam Rapira, Aaron Heremaia, Russell Packer, Simon Mannering (C), Lewis Brown, Micheal Luck.

Intasenis: Alehana Mara, Ben Matulino, Ukuma Ta'ai, Jacob Lillyman, Jesse Royal, Joel Moon.

Sarere.

Wests Tigers: Wade McKinnon, Lote Tuqiri, Blake Ayshford, Mitch Brown, Beau Ryan, Benji Marshall, Robert Lui, Todd Payten, Robbie Farah, Keith Galloway, Liam Fulton, Gareth Ellis, Chris Heighington.

Intasenis: Andrew Fifita, Geoff Daniela, Simon Dwyer, Bryce Gibbs.

Sydney Roosters: Anthony Minichiello, Phil Graham, Kane Linnett, Shaun Kenny-Dowall, Sam Perrett, Todd Carney, Mitchell Pearce, Jason Ryles, Jake Friend, Frank Paul Nuausala, Braith Anasta (c), Mitchell Aubusson, Nate Myles.

Intasenis: Martin Kennedy, Jared Waarea-Harg-

reaves, Daniel Conn, Joseph Leilua, James Aubusson, Lopini Paea, Mose Masoe.

Penrith Panthers: Michael Gordon, Sandor Earl, Michael Jennings, Brad Tighe, Adrian Purtell, Travis Burns, Luke Walsh, Sam McKendry, Kevin Kingston, Tim Grant, Trent Waterhouse, Frank Pritchard, Luke Lewis.

Intasenis: Masada Iosefa, Matthew Bell, Nathan Smith, Gavin Cooper, Wade Graham, Frank Puletua.

Canberra Raiders: Josh Dugan, Reece Robinson, Jarrod Croker, Joel Monaghan, Daniel Vidot, Terry Campese (C), Josh Mccrone, Tom Learoyd-Lahrs, Glen Buttriss, David Shillington, Joe Picker, Bronson Harrison, Shaun Fensom.

Intasenis: Travis Waddell, Danny Galea, Dane Tilse, Scott Logan, Trevor Thurling.

Sande.

St George Illawarra Dragons: Darius Boyd, Brett Morris, Mark Gasnier, Matt Cooper, Jason Nightingale, Jamie Soward, Ben Hornby, Neville Costigan, Dean Young, Michael Weyman, Beau Scott, Ben Creagh, Jeremy Smith. Interchange from: Nathan Fien, Trent Merin, Matt Prior, Jarrod Saffy, Nick Emmett, Jon Green, Luke Priddis, Kyle Stanley.

Manly Warringah Sea Eagles: Will Hopoate, Michael Robertson, Jamie Lyon, Ben Farrar, Tony Williams, Kieran Foran, Trent Hodgkinson, Brent Kite, Matt Ballin, Josh Perry, Anthony Watmough, Joe Galuvao, Chris Bailey.

Intasenis: Terence Seu Seu, Matt Cross, George Rose, Jamie Buhner, Daly Cherry-Evans, Michael Oldfield, Vic Mauro.

NRL SPOTS DRO RAUN 27

Sept. 10-12 2010

Gems bilong dispela wik

Fraide, Septemba 10, 2010.



Titans V^s Warriors



Sarere, Septemba 11, 2010.



Tigers V^s Roosters



Panthers V^s Raiders



Sande, Septemba 12, 2010.



Dragons V^s Eagles



Raun 26 - Poin Leda

TIM	W	L	D	B	Pts
1 Dragons	17	7	0	2	38
2 Panthers	15	9	0	2	34
3 Tigers	15	9	0	2	34
4 Titans	15	9	0	2	34
5 Warriors	14	10	0	2	32
6 Roosters	14	10	0	2	32
7 Raiders	13	11	0	2	30
8 Sea Eagles	12	12	0	2	28
9 Rabbitohs	11	13	0	2	26
10 Broncos	11	13	0	2	26
11 Knights	10	14	0	2	24
12 Eels	10	14	0	2	24
13 Bulldogs	9	15	0	2	22
14 Sharks	7	17	0	2	18
15 Cowboys	5	19	0	2	14
16 Storm *	14	10	0	2	0

* Ol i rausim olgeta poin bilong Melbourne long 2010 sisen.

Carney em nambawan pilaia dispela yia

ROOSTERS faiv-eit, Todd Carney i kisim luksave olsem nambawan pilaia bilong NRL long 2010 taim em i winim Dally M awod long Tunde dispela wik.

Em i wantaim 27 poin, wanpela poin antap long Wests Tigers huka, Robbie Farah (26).

Bihain long tupela em Dragons fulbek, Darius Boyd na Tigers fiav-eit, Benji Marshall.

Carney em i namba 22 man long winim dispela awod.

Em i winim tu Provan Summons medol na nambawan faiv-eit bilong yia awod.



NAMBAWAN: Carney go long bung wantaim mama bilong em Leanne.

Muruks go pas yet

LASPELA raun bilong bemo-
bile kap bai kamap dispela
Sande na SBSL Muruks i go
pas yet long resis.

Ol i stap pas wantaim 25 poin
na bai WGS Hagen Kuris long
Lae dispela wik.

Bihain tasol long ol em Ar-
mark Gurias wantaim 23 poin
na namba tri ples em Toyota
Mioks husat ol tu i stap long 23
poin.

Bintangor Goroka Lahanis i
holim namba 4 ples wantaim 22
poin na S'N'S Port Moresby
Vipers i pasim namba 5 ples
wantaim 21 poin.

Dispela em ol tim i stap insait
long Top 5 nau tasol long Sande

bai ol tim i soim laspela strong
long traim suim het i go insait
long fainol.

Kongo Coffee Simbu Warriors
husat i stap long namba 6 ples
wantaim 19 poin i ken kalapim
ol Vipers sapos ol i win na
Vipers i lus.

Tasol ol i mas putim moa poin
long Vipers insait long gem.

Bihain long dispela Sande bai
yumi save long husat ol tru bai
resis gen long fainol dispela yia.

Long ol arapela gem long dis-
pela raun; Gurias bai kisim
Bombers long Kokopo, Vipers
bai bungim Lahanis long Mosbi
na Mioks bai lukim ol Warriors
long Wabag.



STRONG YET: Ol Muruks i ron gut gen long resis olsem ol i mekim bipo.
WANTOK POTO.



GUTPELA SPIT: Mai Koime i
stap long gutpela fom bilong
ol meri. WANTOK POTO.

Stap long fom

ETLETIKS tim bilong Papua Niugini wok long
kisim gutpela trening na resis long Australia na
ol arapela kantri long wol na dispela i redim ol
gut bilong Komonwelt Gems long India long
Oktoba, dispela yia.

John Rivan, Mowen Boino na Nelson Stone i
wok long stap long gutpela fom long ol man na
Toea Wisil, Mae Koime na Salome Dell i wok

long strongim tim bilong ol meri.

Ol i brukim planti olupela nesene rekot bilong
PNG we i soim olsem ol i wok long kamap gut-
pela moa olgeta taim.

Sapos ol i kisim wankain strong na pilai go
insait long dispela tonamen bai ol i ken
kamapim strongpela resis agensim ol arapela
kantri.

AFL go insait long Nu Ailan provins

KLOSTU long 500 matin i lainim long pilai ruls futbol (Rules Football) o AFL na ol opisa bilong AFL PNG i go mekim sampela trening wok long hap.

Oi i lainim long kik, paitim bal long han, mekim mak na tromoi bal i go daun long graun.

Menesa bilong AFL PNG, Walter Yangomina, i tok amamas long lukim planti mangi lainim dispela spot.

Em i tok narapela as bilong kisim dispel spot i go long hap em long strongim tu pasin bilong stap helti na strong, wokhat na givim taim na tingting long wanem samting yu mekim.

"Mipela i lusim ol i pilai sampela gem na ol gutpela stail bilong pilai tasol bikipela samting mipela i lainim ol em ol pasin na save we ol i ken yusim insait long laip bilong ol," Yangomina i tok.

"Noken simok, noken dring bia, wok hat na ekseais.

"Dispela em ol bikipela samting we i gutpela long developmen bilong wanwan," em i tok.

Wantaim helpim bilong developmen opisa bilong AFL PNG long Kavieng, Herman Bubus, dispela ol trening klinik bai kamap olgeta wik nau.

"Mipela i laik raun i go long ol skul olgeta

wik long mekim ol mangi pilai olgeta taim.

"Sapos mipela i ken kirapim bel bilong ol long pilai olgeta taim em bai mipela i ken inap long kamapim wanpela kompetisen bilong ol tu," em i tok.

Oi i lukluk long statim wanpela skul kompetisen long 2011 long givim sans long ol liklik mangi na meri bilong Kavieng long pilaim AFL wantaim sans long bihain "Coca-Cola Talent Pathway" program bilong ol.

AFL PNG i lukim Kavieng olsem wanpela gutpela ples bilong ruls futbol long kamap strong na ol i laik surukim i go moa long ol arapela ples insait long provins.

Bubus husat i stap longtaim tu long Kavieng, i tingim bek taim AFL i save kamap strong hap.

"Olgeta pilai graun i stap yet, i gat spes bilong stretim ol na kirapim bek gem," em i tok.

Em i tok astingting bilong ol nau em long kisim gem i go insait long skul na kamapim wanpela kompetisen bilong ol bipo ol i kisim i go aut gen.

Nau yet i nogat wanpela gutpela spot o pilai kamap na ron gut insait long Kavieng.

AFL PNG i laik wokbung wantaim Bubus long kamapim wanpela kompetisen we ol yangpela mangi ken pilai na i ken pulim planti ol manmeri go lukluk tu.



GO PAS: Bubus bai lukautim ol program bilong AFL PNG long Kavieng. POTO: AFL PNG.

Courts promosen sapatim PNG Tim long Komonwelt Gems

James Kila i raitim

COURTS (PNG) Limited insait long 'Hero Deals' promosen bilong en i sapatim gen PNG Spot Federesin na Olimpik Komiti na PNG Tim long go pilai long Komonwelt Gems long Delhi, India long dispela yia.

Paul Pople bilong Courts (PNG) long las wik Fraide i tokaut olsem Courts i bilip long givim bek helpim i go long komuniti na putim smail long pes bilong ol manmeri.

Insait long dispela ol i laik helpim ol yangpela spot manmeri long lukim driman bilong ol i karim kaikai.

Mista Pople i tok ol i kamap wantaim 'Hero Deals' promosen long strongim dispela pasin olsem ol bilong PNG stret.

Moa long en tu ol i laikim ol pipel bilong PNG i sapatim PNG Tim husat i go pilai long Komonwelt Gems long India.

Insait long dispela promosen bilong Courts (PNG) em ol i tokaut long en bai lukim olsem taim ol manmeri long kantri i baim sampela samting long stua bilong Courts em mak olsem K100 o moa, ol bai sapatim PNG Tim husat i go long Komonwelt Gems long Delhi long India.

Mista Pople i tok taim ol i baim samting em prais mak i stap long K100 o moa, bai K5 bai go long sapatim PNG Tim.

PNG Tim i go long Komonwelt Gems long Delhi, India bai lukim 120 spot manmeri na ofisal we i kam long 8-pela spot.

Long namba wan taim tru netball tim bilong PNG bai go pilai wantaim ragbi sevens, husat i bin pilai long las gem long Malaysia long 1998.

Long dispela yia ol spot we bai makim PNG long Delhi em atletiks, laun-bouls, skwas, weitlifting na ol na ol etlits wantaim disability bai pilai long atletiks na pawa-lifting.



Oi tim menesmen bilong PNG Tim husat bai go long Delhi, India na ol lain bilong Courts (PNG) Limited i soim pasin bilong wok bung wantaim. POTO: James Kila.

Mista Pople long taim em i tokaut long 'Hero Deals' promosen i askim ol manmeri long kantri we i gat Courts stua i stap long en long go na baim ol gutpela samting i stap long stua long helpim PNG Tim.

Deputi Siameri bilong PNG Etlits Komisn, Mona-Lisa Leka i tok amamas long Courts (PNG) long helpim wantaim dispela 'Hero Deals' promosen long sapatim gen PNG Spot Federesin na Olimpik Komiti wantaim PNG Tim i go long Delhi long India long Komonwelt Gems.

Las yia Courts (PNG) Limited i sapatim Tim PNG i go long Pasifik Mini Gems insait long sapatim em i givim long tupela Praim Minista Koporet Golf Salens na Trukai Olimpik De Fan De.

Long 2006 Komonwelt Gems long Melbourne, Australia, PNG i bin mekim gut taim Ryan Pini winim gol medol long 100-mita bataflai swim na Dika Toua i winim silva medol long 53-kilogram divisen long spot bilong weitlifting.



PILAI: Oi sumatin long Wabag praimer skul i amamas long lainim nupela spot. POTO: BSP Wabag.

Tenis pairap long Wabag

TENIS i kamap pinis long Wabag na i kirapim laik bilong planti sumatin long hap long dispela spot.

Dispela BSP Rijinel Tennis program i go long Wabag praimer skul we i lukim ol gred tri na 5 sumatin i lainim long moning na ol gred 6 i go long 8 i lainim long avinun.

Oi sumatin bilong Par komuniti skul, Amapiaka Intanesenel skul, Sari komuniti skul na Sari praimer skul tu i bin gat sans long lainim dispela nupela spot.

Oi tisa na sumatin wantaim i soim bikipela laik long lainim long pilai tenis.

"Oi manmeri long komuniti tu i kam long lukim ol mangi pilai," bosmeri bilong BSP long Wabag, Cecilia Raepa i tok.

Wabag em i namba tu ples long Hailens nau long kisim dispela program i go insait.

Program i stat gen long Mas dispela yia na i go raunim 22 skul long Popondetta, Kavieng, Lihir na Lorengau insait long tripela mun we i lukim 3, 500 tisa na sumatin i lainim dispela spot.

Nau em i go antap long Hailens i pulim gutpela sapatim tu bilong ol manmeri long hap.

Program i lusaim Lae las wik na bihain Hagen na Wabag, em bai go long Mendi, Moro, Kundiawa, Goroka na Kainantu long ol mun i kam.

Dispela program i kam aninit long was bilong PNG Tennis Asosiesen (PNGTA) wantaim sapatim bilong BSP.

SPOT RAUN

WANTAIM

Scott Vavine, ML



Kisim ol rait manmeri bilong mekim wok

PLANTI manmeri insait long komyuniti bilip olsem spots i save givim bikpela helpim long developmen bilong wanwan manmeri na komyuniti.

Dispela em i tru long ol bilong wanem planti save lukim long ai bilong ol yet, dispela ol senis i kamap na wanem kain ol wok em i mekim pinis.

Spots i ken kamapim planti bikpela senis long wanwan manmeri na komyuniti tasol wok bilong mekim dispela i stap long husat i kamapim na wankain kain wok, pilai o astingting ol i bihainim long mekim dispela.

Bai mi givim yu sampela piksa long wanem samting i save kamap long ai bilong yu hia long komyuniti bilong yu stret.

Lukluk long komyuniti bilong yu na tingim wanem spot i bin kamap namba wan taim tru long hap.

Lukluk tu long ol lain husat i go pas long kisim spots i go long komyuniti bilong yu.

Nau, pasim ai bilong yu na tingim wanem ol hevi bilong komyuniti stap nau we dispela ol spots i no mekim wanpela samting yet long stretim o helpim.

Tingim tasol planti ol arapela hevi bilong komyuniti we i wok long go bikpela nau.

Wanpela askim yu i ken tingim em, spots i mekim wanem long helpim na daunim hevi bilong lo na oda insait long ol komyuniti?

Dispela em ol kain hevi olsem, ol yangpela manmeri spak na bikhet, kisim drak na planti arapela pasin olsem.

Kain ol pasin na hevi wok long kamap nau insait long komyuniti bilong yumi we yumi save lukim na harim olgeta de.

Spots i save kamapim planti bikpela samting long laip bilong yumi tasol long wankain taim em i save kisim sampela ol hevi kam tu.

Narapela askim yu i ken tingim tu em, long wanem na ol samting nogut we i save kam wantaim spots i no save kamap klia tumas long ol manmeri na komyuniti.

I ken i gat planti bekim bilong dispela askim.

Mi bilip olsem, yumi mas yusim spots bilong kamapim ol gutpela samting tasol.

Sapos yumi yusim long ol gutpela samting bai yumi ken kisim planti ol gutpela samting long en tu we i nap long helpim yumi wanwan na komyuniti bilong yumi wantaim.

Askim i kam wantaim dispela nau em, husat bai kamapim dispela na em bai kamap olsem wanem?

Bekim bilong dispela em, i mas i gat ol manmeri husat i kisim trening na skul long mekim spots i kamap olsem wanem masin bilong kamapim gutpela developmen na i no long mekim ol samting nogut long en.

Ating yu mas save long wanem samting mi makim taim mi tok "ol samting nogut we spots i ken kamap."

Dispela nogut samting em kain olsem, ol politisen i yusim long kisim biknem na winim vot, wanwan manmeri yusim long kisim biknem bilong ol yet, pilai long win tasol na i no lukluk long ol arapela samting, tingting bilong winim ol samting na kisim biknem tasol.

Ol manmeri mas kisim trening long yusim spots bilong kamapim ol gutpela samting tasol we i ken helpim na senisim laip bilong olgeta manmeri na komyuniti.

Ol gutpela wok bilong spots em dispela ol we i ken strongim pasin na tingim bilong ol manmeri, strongim wokbung namel long ol, givim ol strong na gutpela tingting long ol long bungim ol arapela hevi insait long komyuniti na laip bilong ol.

Dispela ol lain husat bai wok insait long komyuniti spots mas i gat gutpela save na luksave long mekim wok insait long komyuniti na ol i mas i gat gutpela tingting tu long ol hevi we i stap insait long komyuniti na wanem gutpela samting ol i mas kamapim long helpim.

Tingim, dispela ol senis insait long wanwan manmeri na komyuniti no i nap kamap insait long wanpela de tasol.

Em bai kamap isi isi longpela taim tasol yu mas wanel na wokhat na wetim.

Astingting em long yusim spots olsem wanpela masin bilong kamapim developmen na ol arapela gutpela senis insait long laip bilong wanwan manmeri na komyuniti bilong ol tu.

Royals ol King bilong Morobe Ragbi

CONSORT Express Lines Royals i bin winim namba 11 gren fainol bilong long SCRUM pilai graun long Sarere, Ogas 28m dispela yia.

Insait long traipela ren na graun i bagarap olgeta, ol polisman i winim namba wan birua bilong ol, NGI Harlequins 7-3.

Dispela gren fainol i swit long ol Royals, bihain long ol i no pilai long 2009 gren fainol.

2009 gren fainol em i nap long namba 12 win bilong Royals tasol i bin gat sampela asua namel long ol Harlequins na Unitech Reds olsem husat tru bai pilaim Royals.

Long dispela as na ol eksekutiv bilong Morobe Ragbi Yunion i no makim wanpela wina long dispela yia.

Dispela win bilong Royals i amamasim tru sponsa bilong ol, Consort Express Lines Limited na ol i tok long stap wantaim ol long narapela 11-pela yia.

Man makim maus bilong sponsa Paul Sevua, i no tingim wanpela taim em i no amamas long kain win bilong Royals.

Em i stap na lukim olgeta fainols na sampela taim save mekim olsem, win i laik sot taim skoa i sanap klostu na difens i stap klostu long ol.

Royals i win Insait long wanpela strongpela pilai, we i skoa lain i no senis na ol i win long liklik skoa.

Royals i kamap olsem wanpela strongpela ragbi tim insait long provins na i bin tokaut olsem nogat wanpela tim i nap long winim ol long kain gren fainol olsem.

Ol i yusim ol nupela pilaia husat i bin mekim mak bilong ol olsem junia na kam antap olsem Neil Wimbi, tupela Sukumbal brata Willie na Sawi, Cosmos Kafur, Noel Kumbaia, Lone Henao, Lloyd Bureng na Lance Kuveau i bin mekim bikpela wok long kisim ol i go insait long fainol.

Strongpela fowet, Winston Ninjipa i bilip olsem dispela nem bilong Royals i stap nau long han bilong ol yangpela long wanem, ol i soim kala bilong ol tru long dispela bikpela dei.

"Mi yet mi amamas long winim dispela gren fainol gen.

"Mi bin pret liklik long wanem, ol Harlequins i gat gutpela ol mangi long pilai na mi ting ol bai winim mipela tasol ol junia Royals i pilai gut tru na mipela i winim taitol bek," em i tok.

Ninjipa i tok tu olsem salens nau i stap long ol dispela yangpela mangi long tim long karim i go bihain taim.

Kikboksing redi long 8-Man tonamen

8-PELA Papua Niugini kikboksia bai stap insait long 8-Men tonamen resis bilong dispela yia.

Ol bai bung long Oktoba 9 long Sports Inn hotel long Mosbi long lukim husat bai nambawan namel long olgeta.

Dispela tonamen bai kamap long tripela divisen, 60kg, 65kg na 70kg we bai gat 8-pela paitman long wanwan divisen.

Nesanel Kodineta bilong PNG Kickboxing Association (PNGKBA), Micah Oki, tokaut long dispela bihain long em i kisim toksave long mausman bilong World Kickboxing Association (WKA)



AMAMAS: Ol pilaia wantaim tropi bilong ol. POTO: Bustin Anzu.

Planti bilong ol bai lusim long wanem, ol i kam long mak na arere bilong pilai na i no i nap pilai moa.

Neil Wimbi, Willie na Sawi Sukumbal, Kafur na Noel Kumbaia i bin stap liklik mangi taim Royals i winim namba wan gren fainol bilong ol long 1999 long Se Ignatius Kilage Stadium we ol i bin bagarapim tru Telikom 59-0.

Ol bin i gat 9 na 10 krismas na i bin go na lukim ol bikpela mangi bilong ol i winim dispela taitol.

Long wankain taim tu, Henao, Bureng na Kuveau i bin gat wankain krismas na ol i stap long hap kona bilong ol yet na i no save olsem bihain bai ol i joinim dispela tim we i stap king bilong Morobe ragbi yunion.

Sampela bilong ol olpela pilaia long tim nau em Ninjipa yet, Albert Kaupa, husat i save skul long Madang tasol kam long pilai long klap bilong em, Gedion Asimda na Simon Oumba.

Prop, Oumba i pilai samting olsem 15 yia long risev gred na i no save pilai long primia tim olsem nau long wanem, i nogat sans long em i ken pilai.

"Nau mi amamas na pulap olsem mi pilai trupela gren fainol bilong mi na mi bai go wantaim bel isi long maunten bilong mi long Watabung long Goroka," em i tok.

Kuveau, dispela trai em wanpela trai em bai tingim long laip bilong em long ragbi yunion bihain taim olsem trai we i winim namba 11 gren fainol bilong Royals.

"Mi yet i no bilip olsem dispela trai bai mekim na mipela bai holim namba 11 taitol gen.

"Mi amamas tu long wanpela gutpela tim we i gat gutpela ol mangi bilong pilai tu i stap," em i tok.

Ol Harlequins tu i bin kamapim wanpela strongpela pilai long wanem ol i gat gutpela ol pilaia i stap tasol ol i no bin i nap long winim ol polisman.

Petron bilong Royals, Giossi Labi tok fainols i no nupela samting long wanem nogat wanpela tim i nap winim Royals bilong Lae, maski hamas taim ol i traim.

Trai bilong Royals i kamap taim Lae Polytec sumatin, Lance Kuveau i kikim wanpela bal i go daun na ronim i go, kikim gen, ron i go kisim na pundaun antap long trai lain.

Em yet i kikim gol na skoa i go 7-0 long namba wan hap bilong gem.

Ol Royals i mekim planti asua long namba tu hap bilong gem na Harlequins i kisim penolti kik.

Long wanpela bilong ol dispela penolti, ful bek Raymond Tau i kikim i go insait long kisim tripela poin bilong ol.

Harlequins i bin lukim planti spes i stap nating na ol i laik brukim banis tasol Royals i no i nap givim ol sans long skoa.

Maski em i bin traipela ren, tupela tim wantaim i no lusim ol bikpela bal i kam long antap, ol i holim ol dispela bal gut tru.

Bihain long olgeta pilai pinis na nogat man moa long lukim bagarap bilong pilai graun, dispela trofi i wokabaut isi isi antap long solda bilong ol Royals i go bek long Bumbu polis bareks.

Em i go bek long olpela ples bilong em, we em i bin stap 10 yia pastaim.

long PNG, Stanley Nandex.

Em i tok WKA na ol arapela Intanesenel ogenaimesen i givim tok orait long PNGKBA i ken kamapim ol tonamen dispela yia.

PNGKBA bai kamapim tupela tonamen long mun Oktoba.

Namba wan tonamen em dispela 8-Men salens na narapela bai nesanel sempionsips.

PNG Spots Federesen na Olimpik Komiti (PNGSFOC) i givim K10, 000 long sapatim 8-Man tonamen na Sauten Hailens Provinsol gavman i makim K230, 000 bilong Nesanel sempionsip we bai

kamap long Mendi.

Dispela bai namba 11 nesanel sempionsip na bai kamap long Disemba 18 na 19 long Mome Oral insait long Mendi taun.

Oki tok kikboksing i no mekim planti nois tumas bihain long Nandex i bin lusim gem na nau ol i laik kamapim ol tonamen olsem gen long givim sans long ol nupela paitman long karim nem bilong PNG gen olsem Nandex i bin mekim.

Em i tok dispela em i sans bilong ol tu long mekim nem na kisim gutpela luksave long nesanel na Intanesenel level.



S P O T S



Yia bilong Piggies

Tripela divisien stap long fainol

LONG wankain taim las yia, ol University Piggies i sindaun long sait na lukim ol arapela tim i pilai na winim gren fainol bilong Mosbi ragbi union resis. Wapela tim bilong ol tasol i go long Gren fainols long B gred divisien tasol ol i bin lus long Harlequins. Bihain long dispela fainols ol i bung na pasim tok olsem dispela yia bai ol i kam bek strong.

Ol i makim 2010 olsem yia bilong ol Piggies na ol i daunim het na wokhat long lukim dispela i kamap tru. Dispela Sarere bai ol Piggies i go insait long Bava pilai graun long Primia, A gred na B gred divisien wantaim. Primia bai bungim Brothers na A na B gred bai bungim Harlequins. Ol i mas winim dispela ol pilai long soim tru ol manmeri olsem dispela em i tru yia bilong ol Piggies.



KAMAP STRONG: Ol Piggies bai traिम long winim taitol long tripela divisien wantaim.

POTO: ANDREW MOLEN.

PNG redi long India Komonwelt Gems

Andrew Molen i raitim

I GAT 23 moa de i stap bipo long Komonwelt Gems long Delhi, India i stat na Papua Niugini tim i wok long redi nau long mekim nois long hap. Sampela ol spot we PNG bai stap insait long en em boksing, netbol, swimming, etletiks, paralimpiks, weit lifting, lon bols, skwas na ragbi sevens. Dokta bilong tim, Bernie Amof i

sekim planti ol pilaia pinis las wik long lukim sapos ol i orait long wokabout na tu long pilai. Dispela Sarere bai bikpela bung bilong olgeta pilaia na ofisol bilong wanwan spot na tu bilong tim. Long dispela bung bai ol i toktok long wanem samting bai kamap long India taim ol i kamap. Ol bai lukluk long sait bilong kaikai, wara na tu sekyuriti bilong ol taim ol i stap long hap. Hai Komisina bilong India long PNG, Satya Pal Mann tu bai toktok

long tim tu long dispela taim. Wapela opisa bilong Hi Komisin bai givim skul long ol long wanem kain pasin, ples, manmeri, tok ples na kalsa ol bai bungim taim ol i kamap long India. Jenerel Tim Menesa, John Susuve i tok astingting bilong dispela bung em long givim sans long ol pilaia na ofisol bilong wanwan spot i luksave long ol yet olsem wapela tim bai ol i ken lukautim na sapatim ol yet taim ol i stap longwe long ples.

Em i tok ol bai kisim toktok na skul long India tu bilong wanem em i gutpela long ol i save long dispela ples bipo ol i go long hap. Susuve i tok wapela grup bilong Colgate Palmolive bai soim ol etlit tu long sampela rot bilong lukautim ol yet taim ol i stap long India na sapos i nogat i nap wara long yusim long hap. Em i singaut tu long tim long painim sampela singaut na singsing we ol i ken mekim long dispela bung.

"Namel long ol dispela singaut na singsing, mipela bai makim wapela long yusim long hap. "Planti taim long ol bikpela gem olsem, PNG no save mekim nois na ol arapela liklik kantri save winim yumi," Susuve i tok. Em i tok nau ol bai mekim bikpela nois tru taim ol i singaut na singsing long sapatim ol pilaia bilong ol. Tim bai lusim kantri long September 29 long go long India. Ol pilai bai stat long Oktoba 3.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."